

東垣十書


醫國統正脈

四

漢書門	
一	二九
二	二七
三	二九
四	二四
冊架	函號類

庫文閣內	
內閣文庫	
番號	漢 12974
冊數	32 ( 4 )
函號	301 58

三十六





蘭室秘藏目錄

卷上

飲食勞倦門

飲食所傷論

勞倦所傷論

調中益氣湯

交泰丸

木香乾薑枳朮丸

扶脾丸


檳榔丸

寬中喜食無厭丸

木香人參生薑枳朮丸

和中丸

消積滯集香丸





黃芪湯

黃芪當歸湯

參朮湯

益智和中丸

益胃散

脾胃虛損論

三黃枳朮丸

巴豆三稜丸

白朮丸

草豆蔻丸

中滿腹脹門

中滿腹脹論

諸腹脹大皆屬於熱論

中滿分消丸

中滿分消湯

廣茂漬堅湯

半夏厚朴湯

破滯氣湯

草豆蔻湯

心腹痞門

消痞丸

失笑丸

黃連消痞丸

消痞湯

葶藶丸

胃脘痛門

草豆蔻丸

神聖復氣湯

麻黃豆蔻丸

酒客病論



葛花解酲湯

枳朮丸

半夏枳朮丸

橘皮枳朮丸

除濕益氣丸

除濕散

升麻黃連

上二黃丸

瓜蒂散

消渴門

消渴論

和血益氣湯

當歸潤燥湯

生津甘露湯

辛潤緩肌湯

甘草石膏湯

甘露膏

生津甘露飲子

眼耳鼻門

諸脉者皆屬於目論

內障眼論

芎辛湯

碧天丸

廣大重明湯

百點膏

選奇湯

神効明目湯

羌活退翳膏

明目細辛湯

復明散

助陽和血湯

吹雲膏

防風飲子



撥雲湯

神效黃芪湯

圓明內障升麻湯

黃芩黃連湯

蔓荊子湯

歸葵湯

救苦湯

熟乾地黄丸

益陰腎氣丸

羌活退腎丸

當歸龍膽湯

補陽湯

瀉陰火丸

升陽柴胡湯

溫衛湯

圓明膏

啞藥麻黃散

療本滋腎丸

加味滋腎丸

退腎膏

龍膽飲子

柴胡聰耳湯

羌活退腎湯

還睛紫金丹

麗澤通氣湯

溫肺湯

禦寒湯

卷中

頭痛門

頭痛論

清空膏

微清膏

川芎散

白芷散

碧雲散

羌活清空膏



清上瀉火湯

補氣湯

細辛散

羌活湯

養神湯

安神湯

半夏白朮天麻湯

口齒咽喉門

口齒論

羌活散

草豆蔻散

麻黃散

麝香散

治蟲散

益智木律散

蠟梢散

白牙散

刷牙藥

獨聖散

當歸龍膽散

牢牙地黃散

細辛散

立効散

牢牙散

清胃散

神功丸

桔梗湯 又方

神驗法

嘔吐門

丁香茱萸湯

白朮湯

補肝湯

吳茱萸丸

衄血吐血門



麥門冬飲子

人參飲子

麻黃桂枝湯

黃芪芍藥湯

三黃補血湯

救脉湯

止衄血法

腰痛門

川羌肉桂湯

獨活湯

破血散疼湯

地龍散

蒼朮湯

麻黃復煎散

緩筋湯

拈痛湯

蒼朮復煎散

羌活蒼朮湯

婦人門

經閉不行有三論

經漏不止有三論

升陽除濕湯

涼血地黃湯

酒煮當歸丸

固真丸

烏藥湯

助陽湯

水府丹

丁香膠艾湯

黃芪當歸人參湯

當歸芍藥湯

柴胡調經湯

益胃升陽湯

升陽舉經湯



半產悞用寒涼之藥論

全生活血湯

當歸附子湯

調經補真湯

坐藥龍鹽膏

勝陰丹

迴陽丹

柴胡丁香湯

延胡苦練湯

桂附湯

人參補氣湯

黃芪白朮湯

白朮茯苓湯

增味四物湯

補經固真湯

溫衛補血湯

立効散

四聖散

溫經除濕湯

補氣升陽和中湯

麻黃桂枝升麻湯

卷下

大便結燥門

大便結燥論

通幽湯

潤燥湯

潤腸丸

麻黃白朮湯

升陽湯

活血潤燥丸

潤腸湯

小便淋閉門



小便淋閉論

通關丸

清肺飲子

導氣除燥湯

腎疸湯

痔漏門

痔漏論

秦艽白朮丸

秦艽蒼朮湯

七聖丸

秦艽防風湯

秦艽羌活湯

當歸郁李仁湯

紅花桃仁湯

秦艽當歸湯

陰痿陰汗門

陰痿陰汗及燥臭論

龍膽瀉肝湯

清震湯

固真湯

清菟湯

椒粉散

補肝湯

溫腎湯

延胡丁香丸

瀉痢門

訶子皮散

升麻補胃湯

升陽去熱和血湯

益智和中湯

芍藥藥皮丸

和中益胃湯

槐花散



茯苓湯

黃芪補胃湯

升陽除濕湯

人參益胃湯

升麻補胃湯

瘡瘍門

散腫潰堅湯

升陽調經湯

連翹散堅湯

龍泉散

救苦化堅湯

柴胡連翹湯

黍粘子湯

淨液湯

消腫湯

內托羌活湯

升麻托裏湯

內托黃芪湯

柴胡通經湯

白芷升麻湯

保生救苦散

一上散

聖愈湯

獨聖散

黃芪肉桂柴胡酒煎湯

雜病門

安神丸

硃砂安神丸

補氣湯

當歸補血湯

柴胡升麻湯

火鬱湯

小黃丸

黃芩利膈丸

補益腎肝丸

太陽經嚏藥



麻黃茱萸湯

黃芪湯

除濕補氣湯

參歸湯

升陽湯

自汗門

自汗論

調衛湯

清燥湯

當歸六黃湯

紅豆散

活血通經湯

瀉榮湯

人參益氣湯

導氣湯

補中湯

麻黃蒼朮湯

土清湯

木桂湯

正氣湯

越痛丸

退熱湯

解表升麻湯

天麻黃芪湯

健步丸

白朮除濕湯

加味四君子湯

瀉血湯

洗面藥

瑩肌如玉散

面油摩風膏

小兒門

治驚論

黃芪湯

益黃散



升陽益血湯

厚腸丸

補陽湯

大蕪荑湯

塌氣退黃湯

中滿分消丸

消痞丸

癰疹論

消毒救苦散

桔梗湯

黍粘子湯

麻黃柴胡升麻湯

五原散

蠶麻湯

土青散

朱砂散

室秘藏卷上

東垣老人 李杲 撰

明 新安 吳勉學 校

飲食勞倦門

飲食所傷論

陰陽應象論云水穀之寒熱感則害人六府痺論云陰氣者靜則神藏躁則消亡飲食自倍腸胃乃傷此乃混言之也分之為二飲也食也飲者水也無形之氣也因而大飲則氣逆形寒飲冷則傷肺病則為喘咳為腫滿為水瀉輕則當發汗利小便使上下分消



其濕解醒湯五苓散生薑半夏枳實白朮之類是也  
如重而畜積爲滿者芫花大戟甘遂牽牛之屬利下  
之此其治也食者物也有形之血也如生氣通天論  
云因而飽食筋脉橫解腸澼爲痔又云食傷太陰厥  
陰寸口大於人迎兩倍三倍者或嘔吐或痞滿或下  
痢腸澼當分寒熱輕重而治之輕則內消重則除下  
如傷寒物者半夏神麴乾薑三稜廣木巴豆之類主  
之如傷熱物者枳實白朮青皮陳皮麥蘗黃連大黃  
之類主之亦有宜吐者陰陽應象論云在上者因而  
越之瓜蒂散之屬主之然而不可過劑過劑則反傷

腸胃蓋先因飲食自傷又加之以藥過故腸胃復傷  
而氣不能化食愈難消矣漸至羸困故五常政大論  
云大毒治病十去其六小毒治病十去其七凡毒治  
病不可過之此聖人之深戒也

勞倦所傷論

調經篇云陰虛生內熱岐伯曰有所勞倦形氣衰少  
穀氣不盛上焦不行下脘不通而胃氣熱熱氣薰胸  
中故內熱舉痛論云勞則氣耗勞則喘且汗出內外  
皆越故氣耗矣夫喜怒不節起居不時有所勞傷皆  
損其氣氣衰則火旺火旺則乘其脾土脾主四肢故



困熱無氣以動懶於語言動作喘乏表熱自汗心煩不安當病之時宜安心靜坐以養其氣以其寒瀉其熱火以酸味收其散氣以甘溫補其中氣經言勞者溫之損者溫之者是也金匱要略云平人脈大爲勞脈極虛亦爲勞矣夫勞之爲病其脈浮大手足煩熱春夏劇秋冬差脈大者熱邪也極實者氣損也春夏劇者時助邪也秋冬差者時勝邪也

以黃芪建中湯治之此亦溫之之意也夫上古聖人飲食有節起居有常不妄作勞形與神俱百歲乃去此謂治未病也今時之人去聖人久遠則不然飲食失節起居失宜妄作勞役形氣俱傷故病而後藥之

是治其已病也推其百病之源皆因飲食勞倦而脾氣元氣散解不能滋榮百脈灌溉臟腑衛護周身之所致也故蒼天之氣貴清靜陽氣惡煩勞噫飲食喜怒之間寒暑起居之際可不慎歟

調中益氣湯

治因飢飽勞役損傷脾胃元氣不足其脈弦洪緩而沉按之中之下得時一澀其證四肢滿悶肢節疼痛難以屈伸身體沉重煩心不安忽肥忽瘦四肢懶倦口失滋味腹難舒伸大小便清利而數或上飲下便或大便澀滯或夏月餐泄米穀不化或



便後見血或便見白膿胸滿短氣咽膈不通痰唾稠粘口中沃沫食入反出耳鳴耳聾目中流火視物昏花努肉紅絲熱壅頭目不得安卧不思飲食並皆治之

橘皮

如腹中氣不轉運加木香一分如無此證不加

黃蘗

酒洗已上各貳分

升麻

此一味為上氣不足胃氣與脾氣下流乃補上氣健陰引陽

柴胡

已上各參分

人參

有嗽者去

炙甘草

蒼朮

已上各伍分

黃芪

壹錢

如是顯熱躁是下元陰火蒸蒸然發也加生地黄貳分

黃蘗參分

如大便虛坐不得或大便秘了而不了腹中常常逼迫皆是血虛血澀加當歸身參分無此證則去之

如身體沉重雖小便數多亦加茯苓貳分黃蘗參分

澤瀉伍分蒼朮壹錢時暫從權而去濕也不可常

用兼足太陰已病其脉亦絡於心中故顯濕熱相合而生煩亂



如胃氣不和加湯洗半夏伍分生薑叁片有嗽者加

生薑生地黃貳分以製半夏之毒

如痰厥頭痛非半夏不能除此足太陰脾邪所作也

如兼躁熱加黃蘗生地黃各貳分

如無已上證只服前藥

右件劉如麻豆大都作一服水二大盞煎去粗稍熱食遠服之寧心絕慮靜坐少語藥必為効耳

如夏月須加白芍藥叁分

如春月腹中痛尤宜加

如惡熱而渴或腹痛者更加芍藥伍分生黃芩貳分

如惡寒腹痛加中桂叁分去黃芩謂之桂枝芍藥湯

亦於前藥中加之

如冬月腹痛不可用芍藥蓋大寒之藥也只加乾薑

貳分或加半夏伍分以生薑少許製之

如秋冬之月胃脘四道為衝脉所逆脇下少陽脉二

道而反上行名曰厥逆其證氣上衝咽不得息而

喘息有音不得卧加吳茱萸伍分至壹錢湯洗去苦觀厥氣

多少而用之亦於前藥中作一服服之

如夏月有此證為大熱也此病隨四時為寒熱溫涼

也宜以



黃連

酒洗

黃蘗

酒浸

知母

酒浸 各等分

右為細末熟湯為丸如梧桐子大每服一百丸或二百丸白湯送下空心服仍多飲熱湯服畢少時便以美食壓之使不令胃中停留直至下元以瀉衝脉之邪也大抵治飲食勞倦所得之病乃虛勞七損證也常宜以甘溫平之甘多辛少是其治也寬中喜食無厭丸 一名寬中進食丸

資形氣喜飲食

木香

伍分

青皮

人參

乾生薑

已上各壹錢

炙甘草

壹錢伍分

白茯苓

澤瀉

檳榔

橘皮

白朮

已上各貳錢

縮砂仁

豬苓

已上各貳錢伍分

枳實

肆錢

草豆蔻仁

伍錢

神麴

伍錢伍分炒

半夏

柒錢

大麥蘖

壹兩炒

右為細末湯浸餅為丸如梧桐子大每服三五十九丸米湯下食遠

交泰丸

升陽氣瀉陰火調榮氣進飲食助精神寬腹脇除怠惰嗜卧四肢沉困不收



乾薑 炮製 叁分

巴豆霜 伍分

人參 去芦

肉桂 去皮已上 各壹錢

柴胡 去苗

小椒 炒去汗子并 閉目

白朮 已上各壹 錢伍分

厚朴 去皮炒叁錢 秋冬加柒錢

白茯苓 苦練 酒煮

縮砂仁 已上各 叁錢

知母 肆錢 一半酒炒 一半 酒洗 春夏用 秋冬去

川烏 炮製去皮膚 肆錢伍分

吳茱萸 湯洗柒 次伍錢

皂角 水洗煨 去皮弦

紫苑 去苗已上 各陸錢

黃連 去鬚柒錢 秋冬 減壹錢伍分

右除巴豆霜別研外同為極細末煉蜜為丸如梧

桐子大每服十九溫水送下食遠虛實加減

木香人參生薑枳朮丸

開胃進飲食

乾生薑 貳錢 伍分

木香 叁錢

人參 叁錢 伍分

陳皮 肆錢

枳實 壹兩 炒

白朮 壹兩 伍錢

右為細末荷葉裹燒飯為丸如梧桐子大每服二

五十九溫水下食前

木香乾薑枳朮丸

破除寒滯氣消寒飲食

木香 叁錢

乾薑 伍錢 炮

枳實 壹兩 炒

白朮 壹兩 伍錢



右爲細末荷葉裹燒飯爲丸如梧桐子大每服三  
五十丸溫水送下食前

扶脾丸

治脾胃虛寒腹中痛澹瀉無度飲食不化

乾生薑

肉桂

乾薑

霍香

紅豆

白朮

茯苓

橘皮

半夏

訶子皮

炙甘草

烏梅肉

大麥蘖

神麩

右爲細末荷葉燒飯爲丸如梧桐子大每服五十

丸白湯送下食前

和中丸

補胃進食

人參

乾生薑

陳皮

乾木瓜

炙甘草

右爲細末湯浸餗餅爲丸如梧桐子大每服五十

丸白湯送下食前

檳榔丸

破滯氣消飲食

炙甘草

木香

人參



檳榔 已上各 貳錢

陳皮 任錢

右為細末湯浸餛餅為丸如梧桐子大每服五十丸白湯下食前

消積滯集香丸

治傷生冷硬物不消

京三稜

廣茂

青皮

陳皮

丁香皮

益血智

川練子

茴香

巴豆

右為細末醋糊為丸如菉豆大每服五七丸溫水生薑湯任下食前服

生薑湯任下食前服

黃芪湯

補胃除濕和血益血滋養元氣

木香

氣通去之

藿香葉

已上各 壹錢

當歸

酒洗

陳皮

已上各 貳錢

人參

澤瀉

已上各 伍錢

黃芪

壹兩

右以咀每服五錢水二大盞煎至一盞如欲汗加生薑煎食遠熱服之

黃芪當歸湯

治熱上攻頭目沿身胸背發熱

當歸身

壹錢 酒洗

黃芪

伍錢



右吹咀作一服水二大盞煎至一盞食前熱服  
參朮湯

治脾胃虛弱元氣不足四肢沉重食後昏悶

黃蘗 酒浸 當歸 已上各 柴胡

升麻 已上各 人參 陳皮

青皮 已上各 神麴末 柒分 炙甘草

蒼朮 已上各 黃芪 貳錢

右吹咀都作一服水二大盞煎至一盞食後服

益神和中丸 李秋合

木香 黃連 生地黃 已上各

黃芪 人參 麥門冬

神麴末 當歸身 乾生薑

陳皮 姜黃 已上各 縮砂仁 半分

桂花 壹錢 桂枝 壹錢 益智仁 貳錢

炙甘草 貳錢 麥蘗麵 壹錢 草豆蔻仁 肆錢

右為細末湯浸餗餅為丸如梧桐子大每服五十丸白湯下細嚼亦當

益胃散

治因服寒藥過多以致脾胃虛損胃脘疼痛

人參 甘草 縮砂仁



厚朴已上各  
貳錢

白豆蔻

姜黃

乾生薑

澤瀉已上各  
叁錢

益智仁陸錢

黃芪

陳皮已上各  
柒錢

右為麤末每服三錢水二盞生薑五片煎至一盞  
去粗食前溫服

脾胃虛損論

易水張先生常戒不可峻利食藥下咽未至藥丸施  
化其標皮之力始開便言快也所傷之物已去若更  
待一兩時辰許藥盡化開其藥峻利必有情性病去  
之後脾胃既損是真氣元氣敗壞促人之壽當時設

下一藥枳實一兩麩炒黃色為度白朮二兩只此二  
味荷葉裹燒飯為丸以白朮甘溫甘溫補脾胃之元  
氣其苦味除胃中之濕熱利腰膝開血故先補脾胃  
之弱過於枳實剋化之藥一倍枳實味苦寒泄心下  
之痞悶消化胃中所傷此一藥下胃其所傷不能即  
去須待一兩時辰許食則消化是先補其虛而後化  
其所傷則不峻利矣當是之時未悞用荷葉燒飯為  
丸之理老年味之始得可謂奇矣荷葉之物中央空  
象震卦之體震者動也人感之生足少陽甲膽者風  
也生化萬物之根蒂也內經云腸端於始序則不愆



人之飲食入胃營氣上行即少陽甲膽之氣也其手少陽三焦經人之元氣也壬是經同法便是少陽元氣生發也胃氣穀氣元氣甲膽上升之氣一也異名雖多止是胃氣上升者也荷葉之體生於水土之下出於污穢之中非汚染挺然獨立其色青形乃空青而象風木者也食藥感此氣之化胃氣何由不上升其主意用此一味為引用可謂遠識深慮合於道者也更以燒飯和藥與白朮協力滋養穀而補令胃厚再不至內傷其利實矣大矣若內傷脾胃辛熱之物酒肉之類自覺不快覓藥於醫醫者亦不問所傷付

之集香丸小下香丸巴豆大熱藥之類下之夫使下則物去遺留食之熱性藥之熱性重傷元氣則七神不熾經云熱傷氣正謂此也其人必無氣以動而熱困四肢不舉傳變諸疾不可勝數使人真氣自此衰矣若傷生冷硬物世醫或用大黃牽牛二味太寒藥投之隨藥下所傷去矣遺留食之寒性藥之寒性重瀉其陽陽去則皮膚筋肉血脉無所依倚便為虛損之證論言及此令人寒心夫辛辣薄味之藥無故不可亂服非止牽牛而已至真要大論云五味入口各先逐其所喜攻者尅伐瀉也辛味下咽先攻瀉肺



之五氣氣者真氣元氣也其牽牛之辛辣猛烈傷人  
尤甚飲食所傷腸胃當以苦泄其腸胃可也肺與  
元氣何罪之有用牽牛大罪有五此其一也况胃  
主血所生病為所傷物者有形之物也皆是血病瀉  
其氣其罪二也且飲食傷之於中焦止合尅化消導  
其食重瀉上焦肺中已虛之氣其罪三也食傷腸胃  
當塞因塞用又曰寒因寒用枳實大黃苦寒之物以  
泄有形是也反以辛辣牽牛散瀉真氣大禁四也殊不知  
鍼經有云外來客邪風寒傷人五臟若悞瀉胃  
氣必死悞補亦死其死也無氣以動故靜若內傷腸

胃而反瀉五臟必死悞補亦死其死也陰氣有餘故  
躁今內傷腸胃是謂六腑不足之病反瀉上焦虛無  
肺氣肺者五臟之一數也雖不即死若更旬日之間  
必暗損人壽數謂如人壽應百歲為牽牛之類朝損  
暮損其元氣消耗不得終其天年但人不覺耳將為  
天年已盡此乃暗裏折人壽數故特著此論并方庶  
令四海聞而行之不至天橫耳耜夫之用心也胃氣  
不可不養復明養胃之理內經云安穀者昌絕穀者  
亡劫則榮散穀消則墮榮散衛亡神無所依仲景云  
水入於經其血乃成穀入於胃脉道乃行故血不可



不養胃不可不溫血養胃溫榮衛將行常有天命穀者身之大柄也書與周禮皆云金木水火土穀惟脩以奉養五臟者也內傷飲食固非細事苟妄服食藥而輕生殞命其可乎哉黃帝鍼經有說胃惡熱而喜清冷大腸惡清冷而喜熱兩者不和何以調之岐伯曰調此者食飲衣服亦欲適寒溫寒無淒淒泄暑無汗飲食者熱無灼灼寒無淒淒寒溫中適故氣將附不致邪僻也是必有因用豈可用俱寒俱熱之藥倉卒致損與以刃殺人者何異內經說內傷者其氣口脉反大於人迎一倍二倍一倍分經用藥又曰上部有

脉下部無脉其人當吐不吐者死如但食不納惡心欲吐者不問一倍二倍不當正與瓜蒂散吐之但以指或以物探去之若所傷之物去不盡者更診其脉問其所傷以食藥去之以應塞因塞用又謂之寒因泄而下降乃應太陰之用其中更加升發之藥令其元氣上升塞因通用因曲而為直何為曲內傷胃氣是也何為直因而升發胃氣是也因其飲食之內傷而使生氣增益胃氣完復此乃因曲而為之直也若分經用藥其所傷之物寒熱溫涼生硬柔軟所傷不一難立定一法只隨所傷之物不同各立治法臨時



加減用之其用藥又當問病人從來稟氣盛衰所傷  
寒物熱物是喜食之耶不可服破氣藥若乘飢困而  
傷之耶當益胃氣或爲人所勉勸強食之宜損血而  
益氣也診其脉候傷在何臟可與對病之藥豈可妄  
瀉天真元氣以輕喪身寶乎且如先食熱物而不傷  
繼之以寒物因後食致前食亦不消化而傷者當問  
熟食寒食孰多孰少斟酌與藥無不當矣喻如傷熱  
物二分寒物一分則當用寒藥二分熱藥一分相合  
而與之則榮衛之氣必得周流更有或先飲酒而後  
傷寒冷之食及傷熟食冷水與冰如此不等皆當驗

其節次所傷之物酌量寒熱之劑分數各各對證與  
之無不取效自忖所定藥方未敢便謂能盡藥之理  
姑用指迷辯惑耳

三黃枳朮丸

治傷肉濕麵辛辣味厚之物填塞悶亂不快

枳實

麩炒  
伍錢

黃連

十六鬚  
酒洗

大黃

濕紙  
裹煨

神麩

炒

橘皮

白朮

已上各  
壹兩

黃芩

貳兩

右爲極細末湯浸餽餅爲丸如棗豆一倍大每服  
五十丸白湯下臨時量所傷多少加減服之



巴豆三稜丸

一名木香見現丸

治傷生冷硬物心腹滿悶疼痛

巴豆霜

伍分

木香

貳錢

升麻

柴胡

已上各參錢

草豆蔻

麵裹煨熟用仁

香附子

炒已上各伍錢

神麴

炒黃色

石三稜

去皮煨

京三稜

煨已上各壹兩

右為細末湯浸餗餅為丸如菘豆一倍大每服一二十丸溫白湯下量所傷多少加減服之

白朮丸

治傷豆粉濕麵油膩之物

白礬

枯參錢

黃芩

伍錢

橘皮

柒錢

神麴

炒黃色

半夏

湯洗七次

白朮

已上各壹兩

枳實

炒黃色壹兩壹錢

右為極細末湯浸餗餅為丸如菘豆大每服三五丸白湯下素食多用乾薑故加黃芩以瀉之

草豆蔻丸

治秋冬傷寒冷物胃脘當心而痛上支兩脇咽膈不通

炒鹽

伍分

乾生薑

青皮

橘皮

已上各貳錢

麥蘖麵

炒黃色

生黃芩

冬月不用

半夏

湯洗七次

神麴

炒已上各伍錢

草豆蔻

麵裹煨去皮取仁



白朮

已上各壹兩

枳實

煨炒貳兩

右為極細末湯浸餗餅為丸如菉豆大每服五十

丸白湯下

中滿腹脹門

中滿腹脹論

六元政紀論云太陰所至為中滿太陰所至為畜滿諸濕腫滿皆屬脾土論云脾乃陰中之太陰同濕土之化脾濕有餘腹滿食不化天為陽為熱主運化也地為陰為濕主長養也無陽則陰不能生化故云藏寒生滿病調經篇云因飲食勞倦損傷脾胃始受熱

中末傳寒中皆由脾胃之氣虛弱不能運化精微而制水穀聚而不散而成脹滿經云腹滿膜脹支膈眩脇下厥上冒過在太陰陽明乃寒濕鬱遏也脉經所謂胃中寒則脹滿者是也鍼經二卷雜病第八腹滿大便不利上走胸嗌喘息喝喝然取足少陰又云脹取三陽三陽者足太陽寒水為脹與通評虛實論說腹暴滿按之不下取太陽經絡胃之募也正同取者瀉也經云中滿者瀉之於內者是也宜以辛熱散之以苦瀉之淡滲利之使上下分消其濕正如開鬼門潔淨府溫衣繆刺其處是先瀉其血絡後調其真經氣血平陽



布神清此治之正也或曰諸脹腹大皆屬於熱者何也此乃病機總辭假令外傷風寒有餘之邪自表傳裏寒變爲熱而作胃實腹滿仲景以大承氣湯治之亦有膏粱之人濕熱鬱於內而成脹滿者此熱脹之謂也大抵寒脹多而熱脹少治之者宜詳辨之

諸腹脹大皆屬於熱論

諸腹脹大皆屬於熱此乃八益之邪有餘之證自天外而入是感風寒之邪傳裏寒變爲熱作胃實日晡潮熱大渴引飲讞語是太陽陽明并大實大滿者大承氣下之少陽陽明微滿實者小承氣下之泄之則

脹已此之謂也假令痲瘡爲脹滿亦有寒脹熱脹是天之邪氣傷暑而得之不即時發至秋暑氣衰絕而瘡病作矣知其寒也局方用交解飲子者是也內虛不足寒濕令人中滿及五臟六腑俱有脹滿更以脉家寒熱多少較之胃中寒則脹滿濁氣在上則生膜脹取三陽三陽者足太陽膀胱寒水爲脹腹暴滿按之不下取太陽經絡者胃之募也正同腹滿膜脹肢膈脘脇下厥上胃過在太陰陽明胃中寒濕鬱遏也太陰膜脹復不利不欲食食則嘔不得卧按所說寒脹之多如此中滿治法當開鬼門潔淨府開鬼門



者謂發汗也潔淨府者利小便也中滿者瀉之於內  
 謂脾胃有病當令上下分消其溫下焦如瀆氣血自  
 然分化不待泄滓穢如或大實大滿大小便不利從  
 權以寒熱藥下之或傷酒濕麵及味厚之物膏粱之  
 人或食已便卧使濕熱之氣不得施化致令腹脹滿  
 此脹亦是熱脹治熱脹分消丸主之  
 如或多食寒涼及脾胃久虛之人胃中寒則脹滿或  
 藏寒生滿病以治寒脹中滿分消湯主之  
 中滿分消丸

治中滿熱脹鼓脹氣脹水脹此非寒脹類

白朮

人參

炙甘草

猪苓去黑皮

姜黃已上各壹錢 白茯苓去皮

乾生薑

砂仁已上各壹錢 澤瀉

橘皮已上各叁錢

知母炒肆錢 黃芩去腐炒夏用壹兩貳錢

黃連淨炒

半夏湯洗七次 枳實炒已上各伍錢

厚朴薑製壹兩

右除茯苓澤瀉生薑外共為極細末入上三味和  
 勻湯浸餗餅為丸如梧桐子大每服一百丸焙熱  
 白湯下食遠服量病人大小加減

中滿分消湯



治中滿寒脹寒疝大小便不通陰躁足不收四肢厥逆食入反出下虛中滿腹中寒心下痞下焦躁寒沉厥奔豚不收

川烏

澤瀉

黃連

人參

青皮

當歸

生薑

麻黃

柴胡

乾薑

萆澄茄已上各貳分

益智仁

半夏

茯苓

木香

升麻

已上各三分

黃芪

吳茱萸

厚朴

草豆蔻仁

黃蘗已上各伍分

右剉如麻豆大都作一服水二大盞煎至一盞食前熱服忌房室酒濕麵生冷及油膩等物  
廣茂潰堅湯

治中滿腹脹內有積聚堅硬如石其形如盤令人不能坐卧大小便澀滯上喘氣促面色痿黃通身虛腫

廣茂

紅花

升麻

吳茱萸

已上各貳分

生甘草

柴胡

澤瀉

神麴

青皮

陳皮

已上各叁分

厚朴

生用

黃芩



黃連

益智仁

草豆蔻仁

當歸梢已上各伍分

半夏柒分

如渴加

葛根肆分

右剉如麻豆大水二大盞煎至一盞稍熱服食遠

忌酒醋濕麵服二服之後中滿減半止有積不消

再服後藥

半夏厚朴湯

紅花

蘇木已上各半

吳茱萸

乾生薑

黃連已上各壹分

木香

青皮已上各貳分

肉桂

蒼朮

白茯苓

澤瀉

柴胡

陳皮

生黃芩

草豆蔻仁

生甘草已上各叁分

京三稜

當歸梢

猪苓

升麻已上各肆分

神麴陸分

厚朴捌分

半夏壹錢

桃仁柒箇

昆布少許

如渴加

葛根叁分

右咬咀作一服水三盞煎至一盞去粗稍熱服此



藥二服之後前證又減一半却於前藥中加減服之

破滯氣湯 一名木香化滯散

破滯氣治心腹滿悶

炙甘草 肆分 白檀 藿香

陳皮 大腹子 白豆蔻仁

白茯苓 已上各五分 桔梗 已上各五分 砂仁

人參 青皮 檳榔

木香 姜黃 白朮 已上各貳錢

右吹咀每服三錢水二盞煎至一盞去粗溫服不

拘時

草豆蔻湯

治腹中虛脹

澤瀉 壹分 木香 叁分 神麴 肆分

半夏 製 枳實 草豆蔻仁

黃芪 春夏去之 益智 甘草 已上各伍分

青皮 陳皮 已上各陸分 茯苓

當歸 已上各柒分

右為麤末都作一服水二大盞生薑三片煎至一盞去粗溫服冬月加黃芪五七分春夏止服正藥



食遠

心腹痞悶

消痞悶

治心下痞悶一切所傷及積年不愈者

乾生薑

神麴炒

炙甘草

已上各  
貳分

猪苓

貳錢  
伍分

澤瀉

厚朴

砂仁

已上各  
參錢

半夏

湯洗  
七次

陳皮

人參

已上各  
肆錢

枳實

伍錢  
炒

黃連

淨炒

黃芩

已上各  
陸錢

姜黃

白朮

已上各  
壹兩

右為細末湯浸餽餅為丸如梧桐子大每服五七

十九至百丸白湯送下食遠服

失咲丸

一名枳實消痞丸

治右關脉弦心下虛痞惡食懶倦開胃進飲食

乾生薑

壹錢

炙甘草

麥蘖麵

白茯苓

白朮

已上各  
貳錢

半夏麴

人參

已上各  
參錢

厚朴

肆錢  
炙

枳實

黃連

已上各  
伍錢

右為細末湯浸餽餅為丸梧桐子大每服五七十

丸白湯下食遠服

黃連消痞丸



治心下痞滿壅滯不散煩熱喘促不安

澤瀉

姜黃

已上各壹錢

乾生薑

貳錢

炙甘草

茯苓

白朮

已上各參錢

陳皮

伍錢

猪苓

已上各伍錢

枳實

柒錢

半夏

玖錢

黃連

壹兩

黃芩

貳兩

右為細末湯浸餽餅為丸如梧桐子大每服五十

丸溫湯下食遠

消痞湯

一名木香化滯湯

治因憂氣鬱結中脘腹皮裏微痛心下痞滿不思

飲食

枳實

炒

當歸梢

已上各貳分

陳皮

生薑

木香

已上各三分

柴胡

四分

草豆蔻

炙甘草

已上各伍分

半夏

一錢

紅花

少許

右為麤末作一服水二盞生薑三片煎至一盞食

遠服忌酒濕麵

葶藶丸

一名人參順氣飲子

治心下痞胸中不利

半夏

洗

厚朴

炙

石膏

青皮

已上各伍分

當歸身

柒分

白豆蔻仁



縮砂

茵陳 酒製

乾葛 已上各壹錢

炙甘草

羌活

黃芩 一半酒洗一半炒

苦葶藶 酒洗炒

人參

柴胡

獨活 已上各三錢

右為細末湯浸餗餅和勻篩子內擦如米大每服二錢臨卧用一口湯下

胃脘痛門

草豆蔻丸

治脾胃虛弱而心火乘之不能滋榮上焦元氣遇冬腎與膀胱寒水旺時子能令母實以致肺金大

腸相輔而來剋心乘脾胃此大復讎也經云大勝必大復理之常也故皮毛血脉分肉之間元氣已絕於外又大寒大燥二氣併乘之則苦惡風寒耳鳴及腰背相引而痛鼻息不通不聞香臭額寒腦痛大惡風寒目時眩不欲開腹中為寒水反乘痰唾沃沫食則反出腹中常痛心胃作痛脇下縮急有時而痛腹不能努大便多瀉而少秘下氣不絕或腹中鳴此脾胃虛之至極也胸中氣亂心煩不安而為霍亂之漸咽膈不通極則噎塞有聲喘喝閉塞或於日陽處或於暖室中少緩口吸風寒之



氣則復作四肢厥逆身體沉重不能轉側頭不可  
以回顧小便澀而時躁此藥主之秋冬寒涼大復  
氣之藥也

神麴末

柴胡

詳腸下痛  
多少用之

姜黃

已上各  
肆分

當歸身

青皮

已上各  
陸分

黃芪

人參

益智仁

吳茱萸

湯洗  
焙乾

陳皮

白僵蠶

已上各  
捌分

澤瀉

小便數  
減半

半夏

已上各  
錢洗

甘草

生陸分  
熟陸分

麥蘖麵

一錢伍  
分炒

草豆蔻仁

麵裹燒熟為  
度一錢肆分

桃仁

柴箇湯浸  
去皮尖

右除桃仁別研如泥餘為細末同研勻湯浸餗餅

為丸如梧桐子大每服五七十九白湯下食遠服

神聖復氣湯

治復氣乘冬足太陽寒水足少陰腎水之旺子能  
令毋實手太陰肺實反來尅土火木受邪腰背胸  
膈閉塞疼痛善嚏口中涎目中泣鼻中流濁涕不  
止或如息肉不聞香臭咳嗽痰沫上熱如火下寒  
如水頭作陣痛目中溜火視物眈眈耳聾耳鳴頭  
并口鼻大惡風寒喜日晴暖夜卧不安常覺痰塞  
咽膈不通口不知味兩脇縮急而痛牙齒動搖不  
能嚼物臍腹之間及尻鬻足膝不時寒冷前陰冷



而多汗行步欹側起居艱難麻木風痺小便數氣短喘喝少氣不足以息遺失無度及婦人白帶陰戶中大痛牽心面色黧黑男子控睪痛牽心腹或面色如赭食少大小便不調煩心霍亂逆氣裏急腹不能努或腸鳴膝下筋急肩脾大痛此皆寒水來復火土之讎也

乾薑

炮

黑附子

炮已上各參分

防風

人參

郁李仁

另研已上各伍分

當歸身

陸分酒洗

半夏

湯洗

升麻

已上各柒分

藁本

甘草

已上各捌分

柴胡

羌活

已上各壹錢

白葵花

伍朶去心剪碎

右件都作一服水五大盞煎至二盞入黃芪一錢橘紅五分草豆蔻仁一錢麩褁煨熟去皮一錢同煎至一盞再入下項藥黃蘗三分酒浸黃連三分酒浸枳殼三分生地黃三分酒洗此四味預一日另用新水浸又以華細辛二分川芎細末三分蔓荊子三分作一處浸此三味并黃蘗等煎正藥作一大盞不去粗入此所浸之藥再上火同煎至一大盞去粗熱服空心又能治嚙頰嚙唇舌舌根強硬等證如神忌肉湯宜食肉不助經絡中火邪也



大抵腎元與膀胱經中有寒氣不足者并宜服之  
於月生月滿時食隔三五日一服如病急不拘時  
候

麻黃豆蔻丸

治客寒犯胃心胃大痛不可忍

木香

青皮

紅花

厚朴

已上各  
貳分

蘇木

叁分

萹澄茄

肆分

升麻

半夏

湯洗

麥蘖麩

縮砂仁

黃芪

白朮

陳皮

去白

柴胡

炙甘草

吳茱萸

當歸身

已上各  
伍分

益智仁

捌分

神麩末

貳錢  
炒

麻黃

下去節  
叁錢

草豆蔻仁

伍錢

右為細末湯浸餽餅為丸如梧桐子大每服五十  
丸白湯下或細嚼湯下亦可

酒傷病論

論酒大熱有毒氣味俱陽乃無形之物也若傷之則  
止當發散汗出則愈矣此最妙法也其次莫如利小  
便二者乃上下分消其濕何酒病之有今之酒病者  
往往服酒癥丸大熱之藥下之又得牽牛大黃下之  
是無形元氣受病反下有形陰血乖悞甚矣酒性大



熱已傷元氣而復重瀉之况亦損腎水真陰及有形  
陰血俱為不足如此則陰血愈虛真水愈弱陽毒之  
熱大旺反增其陰火是謂元氣消亡七神何依折人  
長命雖不即死而虛損之病成矣金匱要略云酒疸  
下之久久為黑疸慎不可犯此戒不若令上下分消  
其濕當以葛花解醒湯主之

葛花解醒湯

木香 伍分

人參 去芦

猪苓 去黑皮

白茯苓

橘皮 已上各壹錢伍分

白朮

乾生薑

神麴 炒

澤瀉 已上各貳錢

蓮花青皮 叁錢

縮砂仁

白豆蔻仁

葛花 已上各伍錢

右為極細末和勻每服三錢匕白湯調下但得微  
汗酒病去矣此蓋不得已而用豈可恃賴日日飲  
酒此藥氣味辛辣偶因酒病服之則不損元氣何  
者敵酒病故也若頻服之損人天命

枳朮丸

一治痞消食強胃

枳實

楚炒黃  
色壹兩

白朮

貳兩

右為極細末荷葉裹燒飯為丸如棗豆一倍大每



服五十丸白湯下不拘時候量所傷多少加減服之

半夏枳朮丸

治因冷物內傷

半夏湯洗七次壹兩

枳實麩炒黃色

白朮已上各貳兩

右三味為極細末薑葉裹燒炊飯為丸如菘豆一倍大每服五十丸白湯下量所傷加減服之

橘皮枳朮丸

治元氣虛弱飲食不消或臟腑不調心下痞悶

橘皮

枳實麩炒黃色各壹兩

白朮貳兩

右為極細末荷葉裹燒飯為丸如菘豆一倍大每服五十丸白湯下量所傷加減服之

除濕益氣丸

治傷濕麵心腹滿悶肢體沉重

紅花叁分

蘿蔔子炒熟伍錢

枳實麩炒黃色

黃芩生用

神麴炒黃色

白朮已上各壹兩

右同為細末荷葉裹燒飯為丸如菘豆一倍大每服五十丸白湯下量所傷加減服之

除濕散

治傷馬妳子并牛羊酪水一切冷物



甘草 炙

紅花 已上各 貳錢

半夏 湯洗 七次

乾生薑 已上各 叁錢

車前子

澤瀉 已上各 伍錢

茯苓 柒錢

神麴 炒黃色 壹兩

右為極細末每服三錢匕白湯調下食前

升麻黃連丸

治多食肉口臭不欲聞其穢惡氣使左右不得近

白檀 貳錢

生甘草 叁錢

生薑 取白 然汁

蓮花青皮

升麻 已上各 伍錢

黃連 去鬚 壹兩

黃芩 去腐酒 洗貳兩

右為極細末湯浸餛餅為丸如彈子大每服一丸

細嚼白湯下食後

上二黃丸

治傷熱食痞悶兀兀欲吐煩亂不安

甘草 貳錢

升麻

柴胡 已上各 叁錢

黃連 溼洗 壹兩

黃芩 貳兩

一方加

枳實 伍錢

右為細末湯浸餛餅為丸如棗豆大每服五十丸

白湯下食遠

治傷冷飲者以五苓散每服二錢三錢匕加生薑煎



服之  
治傷食兼傷冷飲者煎五苓散送半夏枳朮丸  
治傷冷飲不惡寒者腹中亦不覺寒惟覺悶身重食  
不化者或小便不利煎去桂五苓散依前斟酌服  
之

瓜蒂散

上部有脉下部無脉其人當吐不吐者死何謂下  
部無脉此謂木鬱也飲食過飽填塞胸中胸中者  
太陰之分野經曰氣口反大於人迎三倍食傷太  
陰故曰木鬱則達之吐者是也

瓜蒂

赤小豆

凡七各  
等分

右二味為極細末每服二錢匕温漿水調下取吐  
為度若不至兩手尺脉絕無不宜使用此藥恐損  
元氣令人胃氣不復若止是胸中窒塞悶亂不通  
以指探去之如不得吐者以物探去之得吐則已  
如食不去用此藥吐之解云盛食填塞於胸中為  
之窒塞兩寸脉當主事兩尺脉不見其理安在胸  
中有食故以吐出之食者物也物者坤土也是足  
太陰之號也胸中者肺也為物所填肺者手太陰  
金也金主殺伐也與坤土俱在於上而旺於天金



能尅木故肝木生發之氣伏於地下非木鬱而何  
吐去上焦陰土之物木得舒暢則鬱結去矣食塞  
於上脉絕於下若不明天地之道無由達此至理  
水火者陰陽之徵兆天地之別名也故曰獨陽不  
生獨陰不長天之用在於地下則萬物生長矣地  
之用在於天上則萬物收藏矣此乃天地交而萬  
物通也此天地相根之道也故陽火之根本於地  
下陰水之源本於天上故曰水出高原故人五臟  
主有形之物物者陰也陰者水也右三部脉主之  
偏見於寸口食塞其上是絕五臟之源源絕則水

不下流兩尺竭絕此其理也何疑之有假令所傷  
前後不同以分爲率傷熱物二分傷生冷硬物一  
分用寒藥三黃丸二停熱藥巴豆三稜丸一停合  
而服之如熱物傷少而寒物傷多則寒藥少而熱  
藥多也假令夏月大熱之時傷生冷硬物當用熱  
藥巴豆三稜丸治之須加三黃丸謂天時不可伐  
故加寒藥以順時令若熱物只用三黃丸何謂此  
三黃丸時藥也假令冬天大寒之時傷羊肉濕麵  
等熱物當用三黃丸治之須加熱藥少許草豆蔻  
丸之類是也爲引用又爲時藥經云必先歲氣無



伐天和此之謂也餘皆倣此

消渴門

消渴論

陰陽別論云二陽結謂之消脉要精微論云癯成爲消中夫二陽者陽明也手陽明大腸主津病消則目黃口乾是津不足也足陽明胃主血熱則消穀善飢血中伏火乃血不足也結者津液不足結而不潤皆燥熱爲病也此因數食甘美而多肥故其氣上溢轉爲消渴治之以蘭除陳氣也不可服膏粱芳草石藥其氣慄悍能助燥熱也越人云邪在六腑則陽脉不

和陽脉不和則氣留之氣留之則陽脉盛矣陽脉大盛則陰氣不得營也故皮膚肌肉消削是也經云凡治消癯什繫偏枯痿厥氣滿發逆肥貴人則膏粱之疾也岐伯曰脉實病久可治脉弦小病久不可治後分爲三消高消者舌上赤裂大渴引飲逆調論云心移熱於肺傳於膈消者是也以白虎加入參湯治之中消者善食而瘦自汗大便硬小便數叔和云口乾欲水多食眦虛癯成消中者是也以調胃承氣三黃丸治之下消者煩躁引飲耳輪焦乾小便如膏叔和云焦煩水易虧此腎消也以六味地黃丸治之總錄



所謂未傳能食者必發腦疽背瘡不能食者必傳中  
滿鼓脹皆謂不治之證潔古老人分而治之能食而  
渴者白虎加人參湯不能食而渴者錢氏方白朮散  
倍加葛根治之上中既平不復傳下消矣前人用藥  
厥有旨哉或曰未傳瘡疽者何也此火邪勝也其瘡  
痛甚而不潰或赤水者是也經云有形而不痛陽之  
類也急攻其陽無攻其陰治在下焦元氣得強者生  
失強者死未傳中滿者何也以寒治熱雖方士不能  
廢其繩墨而更其道也然臟腑有遠近心肺位近宜  
制小其服腎肝位遠宜制大其服皆適其至所為故

如過與不及皆誅罰無過之地也如高消中消制之  
太急速過病所久而成中滿之病正謂上熱未除中  
寒復生者也非藥之罪失其緩急之制也處方之制  
宜加意焉

和血益氣湯

治口乾舌乾小便數舌上赤脉此藥生津液除乾  
燥生肌肉

柴胡

炙甘草

生甘草

此味治口

乾舌乾也

麻黃根

已上各參分

酒當歸

稍肆分

酒知母

酒漢防已

羌活

已上各伍分



石膏 陸分治小便赤色 酒生地黄 柒分 酒黃連 捌分治舌

上赤脉也 酒黃蘗 升麻 已上各壹錢 紅花 少許

杏仁 桃仁 已上各陸箇 紅花 少許

右吹咀都作一服水二大盞煎至一盞去粗溫服

忌熱濕麵酒醋等物

當歸潤燥湯

治消渴大便閉澀乾燥結硬兼喜溫飲陰頭退縮

舌燥口乾眼澀難開及於黑處見浮雲

細辛 壹分 生甘草 炙甘草

熟地黄 已上各叁分 柴胡 柒分 黃蘗

知母 石膏 桃仁 泥子

當歸身 麻子仁 防風

荆芥穗 已上各壹錢 升麻 伍分 紅花 少許

杏仁 陸箇 小椒 叁箇

右吹咀都作一服水二大盞煎至一盞去粗熱服

食遠忌辛熱物

生津甘露湯 一名清涼飲子

治消中能食而瘦口舌乾自汗大便結燥小便頻

數

升麻 肆分 防風 生甘草



漢防已

生地黄

已上各伍分

當歸身

陸分

柴胡

羌活

炙甘草

黃芪

酒知母

酒黃芩

已上各壹錢

酒龍膽草

石膏

黃蘗

已上各壹錢伍分

紅花

桃仁

杏仁

拾箇

右咬咀都作一服水二盞酒一匙煎至一盞稍熱服食遠

服食遠

辛潤緩肌湯

一名清神補氣湯

前消渴證纔愈止有口乾腹不能努此藥主之

生地黄

細辛

已上各壹分

熟地黄

叁分

石膏

肆分

黃蘗

酒製

黃連

酒製

生甘草

知母

已上各伍分

柴胡

柒分

當歸身

荆芥穗

桃仁

防風

已上各壹錢

升麻

壹錢伍分

紅花

少許

杏仁

陸箇

小椒

貳箇

右咬咀都作一服水二大盞煎至一盞食遠稍熱服之

服之

甘草石膏湯

渴病久愈又添舌白沫微腫咽喉嚨津覺痛隘腫時時有渴喜冷飲口中白沫如膠



生地黃

細辛 已上各壹分

熟地黃

黃連 已上各叁分

甘草 伍分

石膏 陸分

柴胡 柒分

黃蘗

知母

當歸身

桃仁 炒去皮尖

荊芥穗

防風 已上各壹錢

升麻 壹錢伍分

紅花 少許

杏仁 陸箇

小椒 貳箇

右如麻豆大都作一服水二盞煎至一盞食後溫服

甘露膏 一名蘭香飲子

治消渴飲水極甚善食而瘦自汗大便結燥小便

類數

半夏 貳分湯洗

熟甘草

白豆蔻仁

人參

蘭香

升麻

連翹

桔梗 已上各伍分

生甘草

防風 已上各壹錢

酒知母 壹錢伍分

石膏 叁錢

右爲極細末湯浸餗餅和勻成劑捻作薄片子日

中晒半乾擦碎如米大每服二錢淡生薑湯送下

食後

生津甘露飲子

治消渴上下齒皆麻舌根強硬腫痛食不能下時



有腹脹或瀉黃如糜名曰餐泄渾身色黃目睛黃甚四肢痿弱前陰如水尻髀腰背寒面生鰐色脇下急痛善噦喜怒健忘

霍香

貳分

柴胡

黃連

木香

已上各叁分

白葵花

麥門冬

當歸身

蘭香

已上各伍分

萹澄茄

生甘草

山梔子

白豆蔻仁

白芷

連翹

姜黃

已上各壹錢

石膏

壹錢貳分

杏仁

去皮

酒黃蘗

已上各壹錢

錢伍分

炙甘草

酒知母

升麻

人參

已上各二錢

桔梗

叁錢

全蝎

二箇去毒

右為細末湯浸餛餅和勻成劑捻作片子日中晒半乾擦碎如黃米大每服二錢津唾下或白湯送下食遠服

眼耳鼻門

諸脉者皆屬於目論

陰陽應象論云諸脉者皆屬於目目得血而能視五臟六腑精氣皆上注於目而為之精精之窠為眼骨之精為瞳子筋之精為黑眼血之精為絡其窠氣之



精爲白眼肌肉之精則爲約束裏擷筋骨血氣之精而與脉并爲系上屬於腦後出於項中故邪中於項因逢其身之虛其入深則即隨眼系入於腦則腦轉腦轉則引目系急目系急則目眩以轉矣邪中其精其精所中不相比也則精散精散則視岐故見兩物目者五臟六腑之精榮衛魂魄之所常營也神氣之所主也故神勞則魂魄散志意亂是故瞳子黑眼法於陰白眼赤脉發於陽故陰陽合傳而爲精明也目者心之使也心者神之舍也故神精亂而不轉卒然見非常之處精神魂魄散不相得故曰惑也夫十二

經脉三百六十五絡其血氣皆上走於面而走空竅其清陽氣上散於目而爲精其氣走於耳而爲聽因心事煩冗飲食失節勞役過度致脾胃虛弱心火大盛則百脉沸騰血脉逆行邪害空竅天明則日月不明矣夫五臟六腑之精氣皆稟受於脾上貫於目脾者諸陰之首也目者血脉之宗也故脾虛則五臟之精氣皆失所司不能歸明於目矣心者君火也土人

之神宜靜而安相火化行其令相火者包絡也主百脉皆榮於目既勞役運動勢乃妄行又因邪氣所并而損血脉故諸病生焉凡醫者不理脾胃及養血安



神治標不治本是不明正理也

內障眼論

凡心包絡之脉出於心中以代心君之行事也與少陽為表裏瞳子散大者少陰心之脉挾目系厥陰肝之脉連目系心主火肝主木此木火之勢盛也其味則宜苦宜酸宜涼大忌辛辣熱物以助木火之邪也飲食中常知此理可也夫辛主散熱則助火故不可食諸酸主收心氣瀉木火也諸苦瀉火熱則益水也尤忌食冷水大寒之物此則能損胃氣不行則元氣不生元氣不行胃氣下流胸中三焦之火及心火乘

於肺上入腦灼髓火主散溢瞳子開大大熱之物又助火邪此蓋不可食驗也藥中云菟蔚子一味辛及主益睛辛者是助火也故去之乃加黃芩黃連瀉中焦之火芩能瀉上焦肺中之火以酒洗之乃寒因熱用也又去青箱子為助陽火也加五味子以收瞳子開大且火之與氣勢不兩立故內經曰壯火食氣氣食少火少火生氣壯火散氣諸酸之物能助元氣孫真人云五月常服五味助五臟氣以補西方肺金法云以酸補之以辛瀉之辛瀉氣則明矣或曰藥中有當歸其味亦辛而甘其不去者何此辛甘一味以其



和血之聖藥況有甘味又欲以為鄉導為諸藥之使  
耳

芎辛湯

治兩眼晝夜隱澀難開羞明惡日視物昏暗赤腫  
而痛

細辛 貳分

芎藭

蔓荊子 已上各五分

甘草

白芷

已上各壹錢

防風

壹錢五分

右吹咀都作一服水二盞煎至一盞臨卧溫服

碧天丸

一名并珠丸

治目疾累服寒涼藥不愈兩眼蒸熱如火之熏赤

而不痛滿目紅絲血脉貫睛昏暗羞明畏日  
或上下臉赤爛或冒風沙而內外皆破洗之神  
効

枯白礬 貳分

銅碌 柒分

瓦粉炒黑 壹兩

右先研白礬銅碌令細旋旋入粉同研勻熟水和  
之共為一百丸每用一丸熱湯半盞浸一二箇時  
辰洗至覺微澀為度合半時辰許臨卧洗之瞑目  
便睡一丸可洗十遍再用湯內坐令熱此藥治其  
標若裏實者不宜用

廣大重明湯

廣

必

四



治兩目臉赤爛熱腫疼痛并稍赤及眼臉痒痛抓之至破眼弦生瘡目多眵淚隱澀難開

龍膽草 防風 生甘草

細辛 已上各壹錢

右剉如咀內甘草不剉只作一錠先以水一大椀半煎龍膽一味至一半再入餘三味煎至少半椀漚去粗用清帶熱洗以重湯坐令熱日用五七次但洗畢合眼一時去努肉泛長及痒亦驗

百點膏

張濟氏眼病醫六年以至遮瞳人視物不明有雲

氣之狀因用此藥而効

麩仁 去皮尖 叁分 當歸身 甘草 已上各陸分

防風 捌分 黃連 棟治貳錢剉如麻豆大木一大椀煎至一半入藥

右件剉如麻豆大麩仁別研如泥同熬滴在水中不散入去沫蜜少許再熬少時為度令病人心靜點之至目中微痛日用五七次臨卧點尤疾効名之曰百點膏但欲多點使藥力相繼也

選奇湯

治眉痛不可忍

炙甘草 夏月生用 羌活 防風 已上各叁錢

同至必歲 卷二 四三



酒黃芩

壹錢冬月不用此一味如能食熟痛倍加之

右吹咀每服五錢水二盞煎至一盞去粗食後服之

神効明目湯

治眼樞緊急致倒睫拳毛及上下臉皆赤爛睛疼昏暗晝則冷淚常流夜則眼澀難開

細辛

貳分

蔓荊子

伍分

防風

壹錢

葛根

壹錢伍分

甘草

貳錢

一方加

黃芪

壹錢

右吹咀作一服水二盞煎至一盞去粗稍熱臨卧服

羌活退翳膏

一名復明膏

治足太陽寒水膜子遮睛白翳在上視物不明

椒樹

東南根貳分西北根貳分

藁本

漢防已

已上各貳分

黃連

防風

麻黃

去根

紫胡

升麻

生地黄

已上各參分

生甘草

肆分

當歸身

陸分

羌活

柒分

麩仁

陸箇

右用淨水一大椀先煎漢防已黃連生甘草當歸



生地黄煎至一半下餘藥再煎至一盞去粗入銀  
石器中再熬之有力爲度

明目細辛湯

治兩目發赤微痛羞明畏日怯風寒怕火眼睫成  
紐眵糊多隱澀難開眉攢腫悶鼻塞涕唾稠粘大  
便微硬

川芎 伍分

生地黄 酒製

蔓荊子 已上各

當歸稍

白茯苓

藁本 已上各

荆芥 壹錢

防風 貳錢

麻黃根

羌活 已上各

細辛 少許

紅花 少許

椒 捌箇

桃仁 貳拾

右吹咀分作四服每服水二盞煎至一盞去粗稍  
熱臨卧服之忌酒醋濕麵

復明散

治內瘡

青皮 叁分

橘皮

川芎

蒼朮 已上各

炙甘草

生地黄

連翹

柴胡 已上各

黃芪 壹錢

當歸身 貳錢

右剉如麻豆大都作一服水二大盞煎至一盞去



粗稍熱服之食後忌酒醋濕麪辛熱大料物之類  
助陽和血湯

治眼發之後微有上熱白睛紅隱澀難開睡多眵  
淚

蔓荊子 貳分 香白芷 叁分 柴胡

黃芪 炙甘草 當歸身 酒洗

防風 已上各伍分 升麻 柒分

右吹咀都作一服水一盞半煎至八分去粗稍熱  
服臨卧避風寒處睡

吹雲膏

治目中淚及迎風寒泣羞明畏日常欲閉目喜在  
暗室塞其戶牖腎瘵歲久遮睛此藥多點神驗

細辛 壹分 升麻 已上各叁分

青皮 連翹 防風 已上各肆分

柴胡 伍分 生甘草 當歸身 已上各陸分

荆芥穗 壹錢 微生地黃 壹錢 陳黃連 叁錢

右吹咀除連翹外用澄清淨水二椀先熬餘藥至  
半椀入連翹同熬至一大盞許去粗入銀石器內  
文武火熬滴水成珠不散為度入煉去沫熟蜜  
少許熬勻用之



防風飲子

治倒睫拳毛

細辛

蔓荆子

已上各參分

葛根

防風

已上各伍分

當歸身

柒分半

炙甘草

黃連

人參

已上各壹錢

右剉如麻豆大都作一服水二盞煎至一盞食遠

服避風寒

撥雲湯

戊申六月徐總管患眼疾於上眼皮下出黑白翳兩箇隱澀難開兩目緊縮而無疼痛兩手寸脉細

緊按之洪大無力知足太陽陽勝胱為命門相火煎熬逆行作寒水腎及寒瘰遮睛證呵欠善悲健忘嚏噴眵淚時自淚下面赤而白能食不大便小便數而欠上而喘

黃芪

壹分

細辛

生薑

葛根

川芎

已上各伍分

柴胡

柒分

荆芥穗

藁本

生甘草

升麻

當歸身

知母

已上各伍錢

羌活

防風

黃蘗

已上各壹錢伍分

右又咀如麻豆大都作一服水二盞煎至一盞去



粗熱服食後

神効黃芪湯

治渾身麻木不仁或頭面手足肘背或腿脚麻木不仁並皆治之如兩目緊急縮小及羞明畏日隱澀難開或視物無力睛痛昏花手不得近或目少精光或目中熱如火服五六次可効

蔓荊子 壹錢

陳皮 去白 伍錢

人參 捌錢

炙甘草

白芍藥 已上各 壹兩

黃芪 貳兩

右吹咀每服五錢水二盞煎至一盞去粗臨卧稍熱服

如小便淋澀加澤瀉 伍分 一服去則止

如有大熱證每服加酒洗黃蘗 叁分

如麻木不仁雖有熱不用黃蘗止加黃芪 壹兩 通兩也

如眼縮急去芍藥忌酒醋麵六料物蔥韭蒜辛物

如麻木甚者加芍藥 壹兩 通用二兩

圓明內障升麻湯 一名冲和養胃湯

治內障眼得之脾胃元氣衰弱心火與三焦俱盛飲食不節形體勞役心不得休息故上爲此疾

乾薑 壹錢

五味子 貳錢

白茯苓 叁錢



防風 伍錢  
白芍藥 陸錢  
柴胡 柒錢

人參  
炙甘草  
當歸身 酒洗

白木  
升麻  
葛根 已上各壹兩

黃芪  
羌活 已上各壹兩

右吹咀每服五七錢水三大盞煎至二大盞入黃

芩黃連 貳錢 同煎數沸去粗煎至一盞熟服食遠

黃芩黃連湯

黃芩 酒洗炒  
黃連 酒洗炒  
草龍膽 酒洗四次

生地黄 酒洗已上各壹兩

右吹咀每服二錢水二盞煎至一盞去粗熟服

蔓荆子湯

治勞役飲食不節內障眼病此方如神効

蔓荆子 貳錢 伍分  
黃蘗 酒拌炒 四遍  
白芍藥 已上各

炙甘草 捌錢  
黃芪  
人參 已上各壹兩

右吹咀每服三錢或五錢水二盞煎至一盞去粗

臨卧溫服

歸葵湯 一名連翹飲子

治目中溜火惡日與火隱澀難開小角緊視物昏

花迎風有淚

柴胡 貳分  
生甘草  
蔓荆子



連翹

生地黄

當歸身

紅葵花

人參已上各一分

黃芪

酒黃芩

防風

羌活已上各一分

升麻壹錢

右咬咀每服五錢水二盞煎至一盞去粗食後溫服

服

救苦湯

治眼暴發赤腫臉高苦疼不任者

桔梗

連翹

紅花

細辛已上各一分

當歸身夏月減半

炙甘草已上各一分

蒼朮

草龍膽已上各一分

羌活大陽

升麻陽明

柴胡少陽

防風

藁本

黃連已上各壹錢

生地黄

黃蘗

黃芩

知母已上各錢伍分

川芎叁錢

右咬咀每服一兩水二盞煎至一盞去粗食後溫服

服

若苦疼則多用苦寒者兼治本經之藥再行加減如

睛昏加知母黃蘗一倍

熟乾地黄丸



治血弱陰虛不能著心致心火旺陽火甚瞳子散  
 大少陰為火君主無為不行其令相火代之兼心  
 包絡之脉出心系分為三道少陽相火之體無形  
 其用在其中矣火盛則令毋實乙木肝旺是也心  
 之脉挾於目系肝連目系况手足少陽之脉同出  
 耳中至耳上角斜起於目外眥風熱之盛亦從此  
 道而來上攻頭目致偏頭腫悶瞳子散大視物則  
 花此目血虛陰弱故也法當養血涼血益血收火  
 之散大除風之熱則愈矣

人參 貳錢

炙甘草

天門冬

湯洗去心

地骨皮

五味子

枳殼

炒

黃連

已上各參錢

當歸身

酒洗焙乾

黃芩

已上各伍錢

生地黄

酒洗柒錢五分

柴胡

搗錢

熟乾地黄

壹劑

右件同為細末煉蜜為丸如梧桐子大每服一百  
 丸茶湯送下食後日進二服

益陰腎氣丸

此壯水之主以鎮陽光

澤瀉

茯苓

已上各貳錢五分

生地黄

酒洗乾

牡丹皮

山茱萸

當歸梢

酒洗

五味子

乾山藥

柴胡

已上各伍錢



熟地黄

貳兩

右為細末煉蜜為丸如梧桐子大硃砂為衣每服五十丸淡鹽湯下空心

羌活退翳丸

治內障右眼小眦青白翳大眦微翳白翳腦痛瞳子散大上熱惡熱大便秘澀小便如常遇天氣暄熱頭痛睛脹可服此藥翳在大眦加葛根升麻翳在小眦加柴胡羌活是也

黑附子

炮

寒水石

已上各壹錢

酒防已

貳錢

知母

酒炒

牡丹皮

羌活

川芎

已上各叁錢

酒黃蘗

生地黄

酒洗

丹參

羌蔚子

酒當歸身

柴胡

已上各伍錢

熟地黄

捌錢

芍藥

壹兩叁錢

石為細末煉蜜為丸如梧桐子大每服五七十九白湯下空心宿食未消待饑則服之藥後省語言以食壓之

當歸龍膽湯

治眼中白翳

防風

石膏

已上各壹錢伍分

柴胡

羌活

五味子

升麻

已上各貳錢



甘草

酒黃連

黃芪 已上各 叁錢

酒黃芩 炒

酒黃蘗 炒

當歸身 酒洗

草龍膽 酒洗

芍藥 已上各 伍錢

右咬咀每服五錢水二盞煎至一盞去粗入酒少許臨卧熱服忌言語

補陽湯

治陽不勝其陰乃陰盛陽虛則九竅不通今青白腎見於大背及足太陽少陰經中鬱遏足厥陰肝經氣不得上通於目故青白腎內阻也當於太陽少陰經中九原之下以益肝中陽氣衝天上行此

乃先補其陽後於足太陽太陰標中

標者頭也瀉足厥

陰肝經火下伏於陽中乃次治也內經云陰盛陽虛則當先補其陽後瀉其陰此治法是也每日清晨以腹中無宿食服補陽湯臨卧服瀉陰丸若天色變經大寒大風并勞役預日飲食不調精神不足或氣弱俱不可服待體氣和平天氣如常服之先補其陽使陽氣上升通於肝經之末利空竅於目矣

肉桂 壹錢 去皮

知母 炒

當歸身 酒洗

生地黄 酒炒

白茯苓

澤瀉



陳皮 已上各  
參錢

白芍藥

防風 已上各  
伍錢

黃芪

人參

白朮

羌活

獨活

熟地黄

甘草 已上各  
壹兩

柴胡 貳兩

右咬咀每服五錢水二盞煎至一大盞去粗空心

服之

瀉陰火丸

一名連藥益陰丸

石決明 參錢炒  
存性

羌活

獨活

甘草

當歸稍

五味子

防風 已上各  
伍錢

草決明

細黃芩

黃連 酒炒

黃蘗

知母 已上各  
壹兩

右為細末煉蜜為丸如棗豆大每服五十丸至一百丸茶清下常多服補陽湯少服此藥多則妨飲食

升陽柴胡湯

肉桂 伍分

柴胡 去苗壹  
錢伍分

知母 酒炒如  
大者加

錢作伍

防風

白茯苓

澤瀉

陳皮 已上各  
壹錢

生地黄 酒炒

楮實 酒炒  
微潤

黃芪

人參

白朮 已上各  
伍錢

甘草稍

當歸身



羌活

熟地黄

獨活

白芍藥

已上各壹兩

右剉每服五錢水二盞煎至一盞去粗稍熟食遠服

別合一料煉蜜為丸如梧桐子大每服五十九茶

清下每日與前藥各一服食遠不可飽服

如天氣熱如五味子

叁錢

天門冬

去心

芍藥楮實

各伍錢

溫衛湯

治鼻不聞香臭目中流火氣寒血熱冷淚多臍下

冷陰汗足痿弱

陳皮

青皮

黃連

木香

已上各叁分

人參

甘草

炙

白芷

防風

黃蘗

澤瀉

已上各伍分

黃芪

蒼朮

升麻

知母

柴胡

羌活

已上各壹錢

當歸身

壹錢伍分

右都作一服水二盞煎至一盞去粗食遠服之

圓明膏

治勞心過度飲食失節乃生內障及瞳子散大此



方收睛圓明

訶子皮

濕紙  
裹煨

甘草

已上各  
貳錢

當歸身

叁錢

柴胡

生地黄

麻黃

去節  
搗開

黃連

已上各  
伍錢

右七味先以水二椀煎麻黃至一椀掠去沫外六味各咬咀如豆大篩去末入在內同熬滴水不  
散為度入熟蜜少許再熬勤點眼

嚙藥麻黃散

治內外障眼

麻黃

壹兩

當歸身

壹錢

右二味同為麤末炒黑色入麝香乳香少許共為  
細末含水鼻內嚙之

療本滋腎丸

黃蘗

酒炒

知母

酒炒已上  
各等分

右為細末滴水為丸如梧桐子大每服一百丸至  
一百五十丸空心鹽白湯下

加味滋腎丸

肉桂

叁分

黃連

壹錢

姜黃

壹錢

苦參

叁錢

苦苣菜

酒洗

石膏

覺肚冷  
勿用

黃蘗

酒炒

知母

酒炒已上  
各伍錢



右為極細末打薄麵糊為丸如梧桐子大每服一百丸空心服白湯下食壓之

退腎膏

治黑白腎

一莖仁

升麻

連翹

防風

青皮

甘草

柴胡

當歸身

荆芥穗

生地黄

黃連

右用水一椀入前藥煎至半椀去粗更上火煎至半盞入荆芥水兩匙入蜜少許再上火熬勻點之

龍膽飲子

治疳眼流膿生疳腎濕熱為癩

穀精草

川鬱金

蛇退皮

炙甘草

麻黃

升麻

青蛤粉

草龍膽

黃芩

羌活

右為細末每服二錢食後溫茶清調服之

柴胡聰耳湯

治耳中乾結耳鳴耳聾

連翹

柴胡

炙甘草



當歸身

人參

已上各壹錢

水蛭伍分炒

麝香

少許另研

蜜垂

參筒去翅足炒另研

右除三味別研外生薑三片水二大盞煎至一盞去粗再下三味上火煎一二沸稍熱服食遠

羌活退賢湯

治太陽寒水賢膜遮睛不能視物

羌活

壹兩伍錢

防風

壹兩

荆芥穗

煎成藥加之

薄荷葉

藁本

已上各柒錢

酒知母

伍錢

黃蘗

肆錢

川芎

當歸身

已上叁錢

酒生地黃

壹錢

小椒

伍分

細辛

少許

麻黃

貳錢用根

右吹咀每服三錢水二大盞煎至一盞半入荆芥穗再煎至一盞去粗稍熱服食遠忌酒醋濕麵等物

遠睛紫金丹

治目眶歲久赤爛俗呼為赤瞎是也當以三稜針刺目眶外以瀉濕熱如眼生倒睫拳毛兩目緊蓋內伏火熱而攻陰氣法當去其熱內火邪眼皮緩則毛立出賢膜亦退用法攀出內臉向外以針刺之出血



白沙蜜 貳拾兩

甘石 拾兩燒七遍

黃丹 陸兩水飛

揀連 參兩小便浸碎為末

南乳香

當歸 已上各參錢

烏魚骨 貳錢

礪砂 小蓋內放於瓶口上熏乾

麝香 已上各壹錢

白丁香 直者伍分

輕粉 壹字

右將白沙蜜於沙石器內慢火去沫下甘石次下丹以柳枝攪次下餘藥以粘手為度作丸如雞頭大每用一丸溫水化開洗

麗澤通氣湯

治鼻不聞香臭

黃芪 肆錢

蒼朮

羌活

獨活

防風

升麻

葛根 已上各參錢

炙甘草 貳錢

麻黃 不去節冬月加

川椒

白芷 已上各壹錢

右咬咀每服五錢生薑三片棗二枚蔥白三寸同煎至一盞去粗溫服食遠忌一切冷物及風寒涼處坐卧行立

溫肺湯

治鼻不聞香臭眼多眵淚

丁香 貳分

防風

炙甘草

葛根

羌活 已上各壹錢

升麻



黃芪 已上各  
貳錢

麻黃 不去節  
肆錢

服 右為麤末水二盞蔥白三根煎至一盞去粗食後

禦寒湯

治寒氣風邪傷於毛皮令鼻雍塞咳嗽上喘之證

黃連

黃蘗

羌活 已上各  
貳分

炙甘草

佛耳草

款冬花

白芷

防風 已上各  
叁分

升麻

人參

陳皮 已上各  
伍分

蒼朮 柒分

黃芪 壹錢

服 右咬咀都作一服水二盞煎至一盞去粗食後熱

東垣老人

李杲

明 新安

吳勉學

頭痛門

頭痛論

全書其言論云東風生於春病在肝俞在頸項故春

氣者病在頭又諸陽會於頭面如是太陽膀胱之脈

起於目內

頭風又

一經脈卷上



黃連 黃蘗 右為麻木水二蓋煎至一蓋去粗食後

治寒氣風邪傷於毛皮令鼻癢寒嗽嗽上喘之證

黃連

黃蘗

羌活

炙甘草

佛耳草

款冬花

白芷

防風

升麻

照人參

陳皮

杏仁

式如胆脂并一照水二蓋煎至一蓋去粗食餘

蘭室秘藏卷中

東垣老人 李杲 撰

明 新安 吳勉學 校

頭痛門

頭痛論

金匱真言論云東風生於春病在肝俞在頸項故春氣者病在頭又諸陽會於頭面如足太陽膀胱之脉起於目內眥上額交巔上入絡腦還出別下項病衝頭痛又足少陽膽之脉起於目銳眥上抵頭角病則頭角額痛夫風從上受之風寒傷上邪從外入客於



經絡令人振寒頭痛身重惡寒治在風池風府調其陰陽不足則補有餘則瀉汗之則愈此傷寒頭痛也頭痛耳鳴九竅不利者腸胃之所生乃氣虛頭痛也心煩頭痛者病在耳中過在手巨陽少陰乃濕熱頭痛也如氣上不下頭痛癩疾者下虛上實也過在足少陰巨陽甚則入腎寒濕頭痛也如頭半邊痛者先取手少陽陽明後取足少陽陽明此偏頭痛也有真頭痛者甚則腦盡痛手足寒至節死不治有厥逆頭痛者所犯大寒內至骨髓髓者以腦為主腦逆故令頭痛齒亦痛凡頭痛皆以風藥治之者總其大體而言之也高顛之上惟風可到故味之薄者陰中之陽乃自地升天者也然亦有三陰三陽之異故太陽頭痛惡風脉浮緊川芎羌活獨活麻黃之類為主少陽經頭痛脉弦細往來寒熱柴胡為主陽明頭痛自汗發熱惡寒脉浮緩長實者升麻葛根石膏白芷為主太陰頭痛必有痰體重或腹痛為痰癖其脉沉緩蒼木半夏南星為主少陰經頭痛三陰三陽經不流行而是寒氣逆為寒厥其脉沉細麻黃附子細辛為主厥陰頭項痛或吐痰沫厥冷其脉浮緩吳茱萸湯主之血虛頭痛當歸川芎為主氣虛頭痛人參黃芪為

補定必歲



主氣血俱虛頭痛調中益氣湯少加川芎蔓荊子細  
辛其効如神白朮半夏天麻湯治痰厥頭痛藥也青  
空膏乃風濕熱頭痛藥也羌活附子湯治厥陰頭痛  
藥也如濕氣在頭者以苦吐之不可執方而治先師  
嘗病頭痛發時兩頰青黃暈眩目不欲開懶言身體  
沉重兀兀欲吐潔古曰此厥陰太陰合病名曰風痰  
以局方玉壺丸治之更灸俠谿穴即愈是知方者體  
也法者用也徒執體而不知用者弊體用不失可謂  
上工矣

清空膏

治偏正頭痛年深不愈者善療風濕熱  
目及腦痛不止  
上壅損

川芎 伍錢

柴胡 柒錢

黃連 炒

防風 去芦

羌活 已上各壹兩

炙甘草 壹兩伍錢

細梃子黃芩

參兩去皮剉一半酒製一半炒

右爲細末每服二錢七於盞內入茶少許湯調如  
膏抹在口內少用白湯送下臨卧

如苦頭痛每服加細辛 貳分

如太陰脉緩有痰名曰痰厥頭痛減羌活防風川芎

甘草加半夏 壹兩伍錢



如偏正頭痛服之不愈減羌活防風川芎一半加柴胡壹倍

如發熱惡熱而渴此陽明頭痛只與白虎湯加好吳

白芷

微清膏

蔓荊子

細辛已上各壹分

薄荷葉

川芎已上各叁分

生甘草

熟甘草已上伍分

藁本壹錢

右為細末每服二錢食後茶清調下

川芎散

治頭目不清利

川芎叁分

柴胡柒分

羌活

防風

藁本

生甘草

升麻已上各壹錢

熟甘草

酒生地黄貳錢

酒黃連炒

酒黃芩已上各肆錢伍分

右為細末每服一錢或二三錢食後茶清調下忌

酒濕麵

白芷散一名鬱金散

治頭痛

鬱金壹錢

香白芷

石膏已上各貳錢



薄荷葉

芒硝

已上各參錢

右為極細末口含水鼻內嚙之

碧雲散

治頭痛

細辛

鬱金

芒硝

已上各壹錢

蔓荆子

川芎

已上各壹錢貳分

石膏

壹錢參分

青黛

壹錢伍分

薄荷葉

貳錢

紅豆

壹箇

右為極細末口嚙水鼻內嚙之

羌活清空膏

蔓荆子

壹錢

黃連

參錢

羌活

防風

甘草

已上各肆錢

黃芩

壹兩

右為細末每服一錢茶清調下食後臨卧

清上瀉火湯

昔有人年少時氣弱常於氣海三里灸之節次約五七十壯至年老添熱厥頭痛雖冬天大寒猶喜寒風其頭痛則愈微來暖處或見烟火其痛復作五七年不愈皆灸之過也

荆芥穗

川芎

已上各貳分

蔓荆子

當歸身

蒼朮

已上各參分

酒黃連

生地黄

藁本

甘草

已上各伍分



升麻

防風

已上各柒分

酒黃蘗

炙甘草

黃芪

已上各壹錢

酒黃芩

酒知母

已上各錢伍分

羌活

叁錢

柴胡

細辛

少許

紅花

少許

右剉如麻豆大分作二服每服水二盞煎至一盞去粗稍熱服食後

補氣湯

服前藥之後服此藥

柴胡

貳分

升麻

叁分

黃芪

捌分

當歸身

貳錢

炙甘草

肆錢

紅花

少許

右改咀作二服水二盞煎至一盞去粗稍熱服食後

細辛散

治偏正頭痛

細辛

瓦粉

已上各貳分

生黃芩

芍藥

已上各伍分

酒黃連

川芎

已上各柒分

炒黃芩

酒黃芩

已上各壹錢

炙甘草

壹錢伍分

柴胡

貳錢

右爲麤末每服三錢水一大盞半煎至一盞取清食後服之



羌活湯

治風熱壅盛上攻頭目昏眩

炙甘草

柒分

澤瀉

叁錢

酒洗瓜蒌根

白茯苓

酒黃蘗

已上各伍錢

柴胡

柒錢

防風

細黃芩

酒洗

酒黃連

羌活

已上各壹兩

右為麤末每服五錢重水二盞煎至一盞取清

食後臨卧通口熱服之

養神湯

治精神短不得睡項筋腫急難伸禁甘温宜苦味

木香

橘皮

柴胡

已上各壹分

酒黃芩

貳分

人參

黃蘗

白朮

川芎

已上各叁分

升麻

肆分

蒼朮

麥蘗麵

當歸身

黃連

已上各伍分

甘草

半夏

已上各柒分

黃芪

壹錢

右咬咀每服五錢水二大盞煎至一盞去粗稍熱

服不拘時候

安神湯

治頭痛頭旋眼黑



生甘草

炙甘草

已上各  
貳錢

防風

貳錢  
伍分

柴胡

升麻

酒生地黃

酒知母

已上各  
伍錢

酒黃蘗

羌活

已上各  
壹兩

黃芪

貳兩

右為麤末每服五錢水二大盞半煎至一盞半加

蔓荊子五分川芎三分再煎至一盞去粗臨卧熱

服

半夏白朮天麻湯

范天駭之內有脾胃證時顯煩躁胸中不利大便  
不通而又為寒氣拂鬱悶亂大作火不伸故也疑

其有熱服疎風丸大便行其病不減恐其藥少再  
服七八十丸大便復見兩行元證不瘳增以吐逆  
食不能停痰唾稠粘湧出不止眼黑頭旋惡心煩  
悶氣短促上喘無力以言心神顛倒目不敢開如  
在風雲中頭苦痛如裂身重如山四肢厥冷不得  
安卧余料前證是胃氣已損復下兩次則重虛其  
胃而痰厥頭痛作矣與此藥而治之

黃蘗

貳分酒洗

乾薑

叁分

澤瀉

白茯苓

天麻

黃芪

人參

蒼朮

已上各  
伍分

炒神麴



白木

已上各壹錢

麥蘖麵

半夏

湯洗

橘皮

已上各壹錢五分

右咬咀每服五錢水二大盞煎至一盞去粗熱服食前一服而愈此頭痛苦甚謂之足太陰痰厥頭痛非半夏不能療眼黑頭旋風虛內作非天麻不能除黃芪甘溫瀉火補元氣實表虛止自汗人參甘溫瀉火補中益氣二木俱苦甘溫除濕補中益氣澤瀉茯苓利小便導濕橘皮苦溫益氣調中升陽神麴消食蕩胃中滯氣大麥麵寬中助胃氣乾薑辛熱以滌中寒黃蘗大苦寒酒洗以療冬天少

火在泉發躁也

口齒咽喉門

口齒論

論曰夫齒者腎之標口者脾之竅諸經多有會於口者其牙齒是手足陽明之所過上齟隸於坤土乃足陽明胃之脈貫絡也止而不動下齟嚼物動而不休手陽明大腸之脈所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者堅牢為病不同熱甚則齟動齟斷袒脫作痛不已故所治療不同也有惡熱而作痛者有惡寒而



作痛者有惡寒惡熱而作痛者有惡寒飲少熱飲多而作痛者有惡熱飲少寒飲多而作痛者有牙齒動搖而作痛者有齒齦腫起為痛者有脾胃中有風邪但覺風而作痛者又有牙上多為虫所蝕其齒缺少而色變為虫牙痛者有胃中氣少不能於寒袒露其齒作痛者有牙齒疼痛而穢臭之氣不可近者痛既不一豈可一藥而盡之哉

羌活散

治客寒犯腦風寒濕腦痛項筋急牙齒動搖肉齦袒脫疼痛

藁本

香白芷

桂枝已上各參分

蒼朮

升麻已上各伍分

當歸身陸分

草豆蔻仁壹錢

羌活壹錢伍分

羊脛骨灰貳錢

麻黃去根節

防風已上各參錢

柴胡伍錢

細辛少許

右為細末先用溫水嗽口淨擦之其痛立止也

草豆蔻散

治寒多熱少牙齒疼痛

細辛葉

防風已上各貳分

羊脛骨灰

熟地黃已上各伍分

當歸陸分

草豆蔻仁

蜀黍必歲

卷五

十



黃連

已上各壹錢參分

升麻

貳錢伍分

右為細末同前牙痛處擦之

麻黃散

治冬寒時分寒濕腦痛項筋急牙齒動搖疼痛

防風

藁本

已上各參分

羊脛骨灰

當歸身

熟地黃

已上各陸分

草豆蔻仁

升麻

黃連

已上各壹錢

羌活

壹錢伍分

麻黃

不去節

草龍膽

酒洗

生地黃

已上貳錢

細辛

少許

右為細末依前藥法擦之

熱牙散

一名麝香散

治大熱牙齒瘡露根肉齧脫血出齒動欲落疼痛

妨食物餽反忤熱多

熟地黃

二分

益智仁

二分半

當歸身

生地黃

麻黃根

酒漢防已

人參

已上各參分

升麻

一錢

草豆蔻

黃連

已上各一錢五分

羊脛骨皮

二錢

麝香

少許

右為細末如前藥擦之

治蟲散

名白芷散

治大寒犯腦牙齒疼痛及蟲痛胃經濕熱腫痛



桂枝 一分

熟地黄 二分

藁本

白芷 已上各三分

當歸身

益智仁

黃連 已上各四分

羌活 伍分

吳茱萸 八分

草豆蔻

黃芪

升麻 已上各一錢

羊脛骨灰 二錢

麻黃 不去節 三錢五分

右為細末同前擦之

益智木律散

治寒熱牙痛

木律 二分

當歸

黃連 已上各四分

羊脛骨灰

益智皮

熟地黄 已上五分

草豆蔻皮 壹錢

貳分

升麻 壹錢

伍分

右為細末用度如前擦之

如寒牙痛不用木律

蠟稍散

治大寒風犯腦牙痛

白芷

當歸身

柴胡 已上各貳分

桂枝

升麻

防風

藁本

黃芪 已上各叁分

羌活 伍分

草豆蔻皮 壹錢

錢

麻黃 去節 壹錢五分

錢五分

羊脛骨灰 貳錢

蠟梢 少許



右為細末如前法用之

白牙散

白芷 柒分

升麻 壹錢

石膏 壹錢

羊脛骨灰 貳錢 麝香 少許

右為細末先用溫水嗽口擦之妙

刷牙藥

麝香 壹分

生地黄

酒防已

熟地黄 已上各 當歸身 貳分

人參 已上各

草豆蔻皮 伍分 升麻 壹錢

羊脛骨灰

黃連 已上各

白豆蔻

草豆蔻 已上

沒石子 叁箇

五倍子 壹箇

右為極細末如前法擦之妙

獨聖散

治一切牙痛風疳

北地蒺藜 不以多少陰乾

右為細末每用刷牙以熱漿水漱牙外麤末熬漿

水刷牙大有神効不可具述

當歸龍膽散

治寒熱停牙痛

香白芷

當歸梢

羊脛骨灰



生地黄

已上各五分

麻黄

草豆蔻皮

草龍膽

升麻

黄連 已上各壹錢

右為細末如前法擦之神効

牢牙地黄散

治腦寒痛及牙痛

藁本 貳分

生地黄

熟地黄

羌活

防已

人參 已上各叁分

當歸身

益智仁 已上各肆分

香白芷

黄芪

已上各伍分

羊脛骨灰

吳茱萸

黄連

麻黄 已上各壹錢

草豆蔻皮 壹錢貳分

升麻 壹錢伍分

右為細末如前法擦之

細辛散

治寒邪風邪犯腦牙齒痛

柴胡

防風

升麻

白芷

已上各貳分

桂枝

貳分半

麻黄

去節

藁本

蒼朮

已上各叁分

當歸身

肆分

草豆蔻

伍分

羊脛骨灰

羌活

已上各錢伍分

細辛 少許

右為細末先漱後擦之佳



立効散

治牙齒痛不可忍及頭腦項背微惡寒飲大惡熱  
飲其脉上中下三部陽虛陰盛是五臟內盛六腑  
陽道脉微小小便滑數

細辛

貳分

炙甘草

叁分

升麻

柒分

防風

壹錢

草龍膽

酒洗肆錢

右咬咀都作一服水一盞煎至七分去粗以匙抄  
在口中燂痛處待少時則止

如多惡熱飲更加草龍膽壹錢此法不定隨寒熱多  
少臨時加減

若更惡風作痛加草豆蔻黃連已上各伍分勿加草龍膽  
牢牙散

治牙齦肉綻有根牙疳腫痛牙動搖欲落牙齒不  
長牙黃口臭

羌活

壹兩

草龍膽

酒洗壹兩伍錢

羊脛骨灰

貳兩

升麻

肆兩

右為細末以紗羅子羅骨灰作微塵末和勻卧時  
貼在牙齦上

清胃散

治因服補胃熱藥致使上下牙疼痛不可忍牽引



頭腦滿面發熱大痛足陽明之別絡入腦喜寒惡熱乃是手陽明經中熱盛而作也其齒喜冷惡熱

當歸身

擇細黃連

如連不好更加貳分夏月倍之

生地黄

酒製已上參分

牡丹皮

伍分

升麻

壹錢

右為細末都作一服水一盞半煎至一盞去粗帶冷服之

神功丸

治多食肉人口臭不可近牙齒疳蝕牙齦肉將脫牙齒落血不止

蘭香葉

如無藿香代之

當歸身

藿香

用葉

木香

已上各壹錢

升麻

貳錢

生地黄

酒洗

生甘草

已上各參錢

黃連

去鬚擇淨酒洗秤

縮砂仁

已上各伍錢

右同為細末湯浸餅為丸如菘豆大每服一百丸或加至二百丸止白湯下食遠服兼治血痢及血崩及血下不止血下褐色或紫色黑色及腸澼下血空心服米湯下其脉洪大而緩者及治麻木厥氣上衝逆氣上行妄聞妄見者

桔梗湯

治咽腫微覺痛聲破

當歸身

馬勃

已上各壹分

白殭蠶



黃芩 已上各三分

麻黃 伍分不

桔梗

甘草 已上各壹錢

桂枝 少許

右為麤末作一服水二大盞煎至一盞去粗稍熟服之食後

又方

治口瘡久不愈者

黃蘗 不計多少真者有蜜塗其上炙黃色

右為細末乾糝瘡上臨卧忌醋醬鹽

神驗法

治口瘡無問久新

夜間將二丸以勒緊左右交手揉三五十次但遇睡覺行之如此三五度因濕而生者一夜愈久病諸般口瘡三二夜愈如鼻流清涕者勒之二丸揉之數夜可愈

內經云膀胱移熱於小腸膈腸不便上口為糜易老五苓散與導赤散合而飲之

嘔吐門

丁香菜萸湯

治嘔吐噦胃虛寒所致

黃蘗 叁分

炙甘草

丁香



柴胡

橘皮

已上各五分

升麻

五分

吳茱萸

蒼朮

人參

已上各壹錢

當歸身

壹錢五分

葶豆蔻仁

黃芪

已上各貳錢

右為麤末每服五錢水二大盞煎至一盞去粗稍

熱服食前

白木湯

一名茯苓半夏湯

治胃氣虛弱身重有痰惡心欲吐是風邪羈絆於

脾胃之間當先實其脾胃

炒神麴

貳錢

陳皮

天麻

已上各叁錢

白木

白茯苓

麥藷米麴

炒黃色

半夏

已上各伍錢

右吹咀每服五錢水二盞入生薑五片同煎至一

盞去粗稍熱服之

補肝湯

一名柴胡半夏湯

治素有風證不敢見風眼澀頭痛眼黑胸中有痰

惡心兀兀欲吐遇風但覺皮肉緊手足難舉重物

如居暖室少出微汗其證乃減再或遇風病即復

柴胡

升麻

藁本

已上各伍分

白茯苓

柒分

炒神麴

蒼朮

已上各壹錢

半夏

貳錢

生薑

拾片



右為麤末都作一服水一大盞煎至一大盞去粗  
稍熱服

吳茱萸一名木香  
利膈丸

治寒在膈上噎塞咽膈不通

木香 已上各  
貳分

白礬蠶

姜黃 澤瀉

柴胡已上各  
肆分

當歸身 炙甘草  
已上各  
陸分

益智仁

人參 橘皮  
升麻

黃芪已上各  
捌分 半夏  
壹錢 草豆蔻仁

吳茱萸已上各  
錢貳分 麥蘖麵  
壹錢  
伍分

右為細末湯浸餗餅為丸如菉豆大每服二三十  
丸溫水送下勿多飲湯恐速下細嚼亦得

衄血吐血門

麥門冬飲子

治吐血久不愈以三稜鍼於氣街出血立愈

黃芪壹錢 麥門冬 當歸身

生地黄 人參  
已上各  
伍分 五味子  
拾箇

右為麤末都作一服水二盞煎至一盞去粗熱服  
不拘時

人參飲子



治脾胃虛弱氣促氣弱精神短少衄血吐血

麥門冬 貳分 人參 去芦 當歸身 已上各參分

黃芪 白芍藥 甘草 已上各壹錢

五味子 伍箇

右為麤末都作一服用水二盞煎至一盞去粗稍熱服

一貧者有前證以前藥投之愈繼而至冬天居曠室中卧大熱炕而吐血數次再來求治料此病久虛弱附臍有形而有火熱在內上氣不足陽氣外虛當補表之陽氣瀉其裏之虛熱是其法也冬天

居曠室衣蓋單薄是重虛其陽表有大寒壅遏重熱火邪不得舒伸故血出於口憶仲景傷寒論中一證太陽傷寒當以麻黃湯發汗而不與遂成衄却與麻黃湯立愈此法相同予遂用之

三黃補血湯

治六脉俱大按之空虛心面赤善驚上熱乃手少陰心脉也此氣盛多而亡血以甘寒鎮墜之劑大瀉其氣以墜氣浮以甘辛微苦峻補其血

牡丹皮 黃芪 升麻 已上各壹錢

當歸 柴胡 已上各壹錢伍分 熟地黃



川芎

已上各貳錢

生地黄

叁錢

白芍藥

伍錢

右以水三盞先煮麻豆大每服五錢水二大盞煎至一大盞去粗稍熱服食前

如兩寸脉乳血在上焦或衄血或嘔血與犀角地黄湯則愈

救脉湯

一名人參救肺散

治吐血

甘草

蘇木

陳皮

已上各伍分

升麻

柴胡

蒼朮

已上各壹錢

當歸梢

熟地黄

白芍藥

黃芪

人參

已上各貳錢

右為麤末都作一服水二大盞煎至一盞去粗稍溫食前服

麻黃桂枝湯

人參

益上焦元氣不足而實其表也

麥門冬

保肺氣已上各叁分

桂枝

以補表虛

當歸身

和血養血各伍分

麻黃

去根

甘草

補其脾胃之虛

黃芪

實表益衛

白芍藥

已上各壹錢

五味子

伍箇安其脉氣

右以水三盞先煮麻黃一味令沸去沫至二盞入餘藥同煎至一盞去粗熱服臨卧只一服而愈更



不再作

黃芪芍藥湯

治鼻衄血多面黃眼澀多眵手麻木

葛根

羌活已上各

升麻已上各

炙甘草貳兩

白芍藥

黃芪貳兩

石叟咀每服伍錢水二盞煎至一盞食後

六脉弦細而瀯按之空虛其色必白而天不澤者脫血也此大寒證以辛溫補血益血以甘溫甘熱帶潤之劑以佐之則愈此亡血亦傷精氣

止衄血法

治鼻血久不止素有熱而暴作者諸藥無驗神法以大紙一張作八摺或十摺於水內濕置頂中以熱熨斗熨至一重或二重紙乾立止

腰痛門

川芎肉桂湯

丁未冬曹通甫自河南來有役人小翟露宿寒濕之地腰痛不能轉側兩脇搐急作痛已經月餘不愈矣腰痛論中說皆為足太陽足少陰血絡中有凝血作痛間有一二證屬少陽膽經外絡脉病皆

圖書必錄

卷中

二十二



去血絡之凝乃愈其內經有云冬三月禁不得用  
鍼只宜服藥通其經絡破其血絡中敗血以此藥  
主之

酒漢防已

防風已上各  
叁分

炒神麴

獨活已上各  
伍分

川芎

柴胡

肉桂

當歸稍

炙甘草

蒼朮已上各  
壹錢

羌活壹錢  
伍分

桃仁伍箇去皮  
尖研如泥

右咬咀都作一服好酒三大盞煎至一大盞去粗  
稍熟食遠服

獨活湯

治因勞役腰痛如折沉重如山

炙甘草貳錢

羌活

防風

獨活

大黃煨

澤瀉

肉桂已上各  
叁錢

當歸稍

連翹已上各  
伍錢

酒漢防已

酒黃蘗已上各  
壹兩

桃仁叁拾  
箇

右咬咀每服五錢酒半盞水一大盞半煎至一盞  
去粗熟服

破血散疼湯

治乘馬損傷跌其脊骨惡血流於脇下其痛苦楚  
不能轉側妨於飲食

獨活必效

卷中

二下三



羌活

防風

中桂

已上各壹錢

蘇木

壹錢伍分

連翹

當歸梢

柴胡

已上各貳錢

水蛭

參錢炒去煙盡別研

麝香

少許別研

右件分作二服每服酒二大盞水一大盞除水蛭麝香另研如泥煎餘藥作一大盞去粗上火令稍熱調二味空心服之兩服立愈

地龍散

治腰脊痛或打撲損傷從高墜下惡血在太陽經中令人腰脊痛或脛膕臂股中痛不可忍鼻塞不通

當歸稍

壹分

中桂

地龍

已上各肆分

麻黃

伍分

蘇木

陸分

獨活

黃蘗

甘草

已上各壹錢

羌活

貳錢

桃仁

陸箇

右取咀每服五錢水二盞煎至一盞去粗溫服食遠

蒼木湯

治濕熱腰腿疼痛

防風

風能勝濕

黃蘗

已上各壹錢始得之時寒也久不愈寒化為熱除濕

止痛

柴胡

貳錢行經

蒼木

參錢去濕止痛



右都作一服水二大盞煎至一盞去祖空心服  
麻黃復煎散

治陰室中汗出懶語四肢困倦無力走注疼痛乃  
下焦伏火而不得伸浮而躁熱汗出一身盡痛蓋  
風濕相搏也以升陽發汗漸漸發之火鬱乃濕在  
經者亦宜發汗况正值季春之月脉緩而遲尤宜  
發汗令風濕去而陽升以此困倦乃退氣血俱得  
生旺也

白朮

人參

生地黄

柴胡

防風

羌活

黃蘗

已上各壹錢

麻黃

去節微搗不令作末水五

盞入下項藥再煎

黃芪

已上各貳錢

甘草

叁錢

杏仁

叁箇去皮

右咬咀都作一服入麻黃湯煎至一盞臨卧服之

勿令食飽取漸次有汗則効

緩筋湯

一名羌活湯

治兩目如火腫痛兩足及伏兔筋骨痛膝少力身  
重腰痛夜惡寒痰嗽頸項皆急痛目外眦目絲急  
食不下

熟地黄

壹分

生甘草

柴胡



紅花

炙甘草

蘇木

獨活

已上各  
貳分

藁本

升麻

黃芩

草豆蔻仁

酒黃蘗

生地黃

當歸身

麻黃已上各  
參分

羌活參錢

蒼木伍分

右為麤末都作一服水二大盞煎至一盞去粗食

遠服之

拈痛湯

治濕熱為病肩背沉重肢節疼痛胸膈不利

白朮

壹錢  
伍分

人參

去芦

苦參酒炒

升麻

去芦

葛根

蒼木

已上各  
貳錢

防風

去芦

知母

酒洗

澤瀉

黃芩

炒

猪苓

當歸身

已上各  
參錢

炙甘草

黃芩

酒洗

茵蘗

酒炒

羌活

已上各  
伍錢

右咬咀每服一兩水二大盞煎至一盞去粗食遠

服

蒼木復煎散

治寒濕相合腦右痛惡寒項筋脊骨強肩背胛眼

痛膝臏痛無力行步沉重



紅花 壹分

黃蘗 叁分

柴胡

藁本

澤瀉

白朮

升麻 已上各伍分

羌活 壹錢

蒼朮 肆兩水二椀煎二盞

去粗

右咬咀先煎蒼朮湯二大盞復煎前項藥至一大

盞稍熟空心服取微汗為効忌酒濕麵

羌活蒼朮湯

治脚膝無力沉重

炙甘草

黃蘗

草豆蔻

生甘草

葛根 已上各伍分

橘皮 陸分

柴胡 柒分

升麻

獨活

縮砂仁

蒼朮 已上各壹錢

防風 壹錢伍分

黃芪 貳錢

知母 貳錢伍分

羌活 叁錢

右咬咀分作二服水二大盞煎至一盞去粗空心

服

婦人門

經閉不行有三論

陰陽別論云二陽之病發心脾有不得隱曲女子不  
月其傳為風消為息賁者死不治婦人脾胃久虛或  
形羸氣血俱衰而致經水斷絕不行或病中消胃熱



善食漸瘦津液不生夫經者血脉津液所化津液既  
絕爲熱所燦肌肉消瘦時見渴燥血海枯竭病名曰  
血枯經絕宜瀉胃之燥熱補益氣血經自行矣此證  
或經適行而有子子不安爲胎病者有矣或心包脉  
洪數躁作時見大便秘澀小便雖清不利而經水閉  
絕不行此乃血海乾枯宜調血脉除包絡中火邪而  
經自行矣內經所謂小腸移熱於大腸爲癥瘕爲沉  
脉澀不利則月事沉滯而不利故云爲癥瘕爲沉也  
或因勞心心火上行月事不來安心和血瀉火經自  
行矣故內經云月事不來者胞脉閉也胞脉者屬心

而絡於胞中令氣上迫肺心氣不得下故月事不來也

經漏不止有三論

陰陽別論云陰虛陽搏謂之崩婦人脾胃虛損致命  
門脉沉細而數疾或沉弦而洪大有方寸關脉亦然  
皆由脾胃有虧下陷於腎與相火相合濕熱下迫經  
漏不止其色紫黑如夏月腐肉之臭中有白帶者脉  
必弦細寒作於中中有赤帶者其脉洪數疾熱明矣  
必腰痛或臍下痛臨經欲行先見寒熱往來兩脇急  
縮兼脾胃證出見或四肢困熱心煩不得眠卧心下



急宜大補脾胃而升舉血氣可一服而愈或人故貴  
脫勢人事疎少或先富後貧心氣不足其火大熾旺  
於血脉之中又致脾胃飲食失節火乘其中形質肌  
肉容顏似不病者此心病者不行於診故脾胃飲食  
不調其證顯矣而經水不時而下或適來適斷暴下  
不止治當先說惡死之言勸諭令拒死而心不動以  
大補氣血之藥舉養脾胃微加鎮墜心火之藥治其  
心補陰瀉陽經自止矣痿論云悲哀大甚則胞絡絕  
也陽氣內動發則心下崩數瘦血也故本病曰大經  
空虛發則肌痺傳為脉痿此之謂也

升陽除濕湯

一名調經升  
麻除濕湯

治女子漏下惡血月事不調或暴崩不止多下水  
漿之物皆由飲食不節或勞傷形體或素有心氣  
不足困飲食勞倦致令心火乘脾其人必怠惰嗜  
卧四肢不收困倦乏力無氣以動氣短上氣逆急  
上衝其脉緩而弦急按之洪大皆中之下得之脾  
土受邪也脾主滋榮周身者也心主血血主脉二  
者受邪病皆在脉脉者血之府也脉者人之神也  
心不主令包絡代之故曰心之脉主屬心系心系  
者包絡命門之脉也主月事因脾胃虛而心包乘



之故漏下月事不調也况脾胃為血氣陰陽之根  
蒂也當除濕去熱益風氣上伸以勝其濕又云火  
鬱則發之

當歸 酒洗

獨活 已上各伍分

蔓荊子 柒分

防風

炙甘草

升麻

藁本 已上各壹錢

柴胡

羌活

蒼朮

黃芪 已上各壹錢伍分

右剉如麻豆大勿令作末都作一服以潔淨新汲  
水三大盞煎至一大盞去粗空心熱服待少時以  
早飯壓之可一服而已如灸足太陰脾經中血海

穴二七壯亦已

此藥乃從權之法用風勝濕為胃下陷而氣迫於  
下以救其血之暴崩也併血惡之物住後必須黃  
芪人參炙甘草當歸之類數服以補之於補氣升  
陽湯中加以和血藥便是也若經血惡物下之不  
絕尤宜究其根源治其本經只益脾胃退心火之  
亢乃治其根蒂也若遇夏月白帶下脫漏不止宜  
用此湯一服立止

涼血地黄湯

治婦人血崩是腎水陰虛不能鎮守包絡相火故



血走而崩也

黃芩

荆芥穗

蔓荊子已上各壹分

黃蘗

知母

藁本

細辛

川芎已上各貳分

黃連

羌活

柴胡

升麻

防風已上各叁分

生地黄

當歸已上各伍分

甘草壹錢

紅花少許

右咬咀都作一服水三大盞煎至一盞去粗稍熟空心服之

足太陰脾之經中血海二穴在膝臑上內廉白肉際

一二十中治女子漏下惡血月事不調逆氣腹脹其脉緩者是也灸三壯

足少陰腎之經中陰谷二穴在膝內輔骨後大筋下

小筋上按之應手屈膝取之治膝如錐不得屈伸

舌縱涎下煩逆溺難少腹急引陰痛股內廉痛婦

人漏血不止腹脹滿不得息小便黃如蠱女子如

姪身可灸二壯

酒煮當歸丸

治癩疔白帶下疰脚氣腰已下如在冰雪中以火

焙炕重重厚綿衣蓋其上猶寒冷不任寒之極也



面白如枯魚之象肌肉如刀割削瘦峻之速也小便不止與白帶長流而不禁固自不知覺面白目青藍如菜色目眈眈無所見身重如山行步欹側不能安地腿膝枯細大便難秘口不能言無力之極食不下心下痞煩心懊懣不任其苦面停垢背惡寒小便遺而不知此上中下三陽真氣俱虛欲竭噦嘔不止胃虛之極也脉沉厥緊而澀按之空虛若脉洪大而濡按之無力猶為中寒之證况按之空虛者乎按之不鼓是為陰寒乃氣血俱虛之極也

茴香

伍錢

黑附子

炮製去皮

良薑

已上各柒錢

當歸

壹兩

右四味剉如麻豆大以上等好酒一升半同煮至酒盡焙乾

炙甘草

苦練

生用

丁香

已上各伍錢

木香

升麻

已上各壹錢

柴胡

貳錢

炒黃鹽

全蠍

已上各叁錢

延胡索

肆錢

右與前四味藥同為細末酒煮麵糊為丸如梧桐子大每服五七十丸空心淡醋湯下忌油膩冷物酒濕麵



固真丸

治白帶久下不止臍腹冷痛陰中亦然目中溜火  
 視物眊眊然無所見齒皆惡熱飲痛須得黃連細  
 末擦之乃止惟喜乾食大惡湯飲此病皆寒濕乘  
 其胞內故喜乾而惡濕肝經陰火上溢走於標故  
 上壅而目中溜火腎水侵肝而上溢致目眊眊而  
 無所見齒惡熱飲者是陽明經中伏火也治法當  
 大瀉寒濕以丸藥治之故曰寒在下焦治宜緩大  
 忌湯散以酒製白石膏白龍骨以枯其濕炮乾薑  
 大熱辛瀉寒水以黃蘗之大寒為因用又為鄉導

故云古者雖有重罪不絕人之後又為之伏其所  
 主先其所因之意又瀉齒中惡熱飲也以柴胡為  
 本經之使以芍藥五分導之恐辛熱之藥大甚損  
 其肝經故微瀉之以當歸身之辛溫大和其血脉  
 此用藥之法備矣

黃蘗 酒洗

白芍藥

已上各五分

柴胡

白石膏

已上各壹錢火燒赤

白龍骨

酒煮日乾水飛為末

當歸

酒洗已上各貳錢

乾薑

肆錢炮

右件除龍骨白石膏水飛研外同為細末水煮麵  
 糊為丸如雞頭仁大日乾空心多用白沸湯下無



令胃中停滯待少時以早飯壓之是不令執藥犯胃忌生冷硬物酒濕麵

烏藥湯

治婦人血海疼痛

當歸

甘草

木香

烏藥

香附子

已上各伍錢

右咬咀每服五錢水二大盞去粗溫服食前

助陽湯

治白帶下陰戶中痛空心而急痛身黃皮緩身重

如山陰中如冰

生黃芩

橘皮

防風

高良薑

乾薑

郁李仁

甘草

柴胡

白葵花

右剉如麻豆大分作二服每服水二大盞煎至一

盞去粗食前稍熱服

水府丹

治婦人久虛積冷經候不行癥瘕癖塊腹中暴痛

一面有黥黥黎黑羸瘠

礪砂

紅豆

桂心

木香

乾薑

砂仁

紙隔沸湯淋蒸取

已上各伍錢

另為末



經煨花藥石

研壹兩 伍錢

班猫

壹百箇 去頭翅

生地黄汁

童子小便

各一升

臘月狗膽

柒枚

芫蜻

叁百箇 去頭足 糯米一升 炒米黃去米不用

右九味為細末同三汁熬為膏和丸如雞頭大硃砂為衣每服一九温酒細嚼食前服米飲亦可孕婦不可服

丁香膠艾湯

治崩漏不止蓋心氣不足勞役及飲食不節所得經隔少時其脉二尺俱弦緊洪按之無力其證白覺臍下如冰求厚衣被以禦其寒白帶白滑之物

多間有如屋漏水下時有鮮血右尺脉時微洪也

熟地黄

白芍藥

各七各叁分

川芎

丁香吧上各四分

阿膠

陸分

生艾葉

壹錢

當歸

一錢二分

右川芎為細末當歸酒洗剉熟地黄丁香為細末艾亦剉都作一服水五大盞先煎五味作一盞零二分去粗入膠再上火煎至一大盞帶熱空心服之

黃芪當歸人參湯

丁未仲冬郭大方來說其妻經水暴崩不止先曾



損身失血自後一次縮一十日而來今次不止其  
人心窄性急多驚以予料之必因心氣不足飲食  
不節得之大方曰無到彼診得掌中寒脉沉細而  
緩間而沉數九竅微有不利四肢無力上喘氣短  
促口鼻氣皆不調果有心氣不足脾胃虛弱之證  
胃皖當心而痛左脇下縮急有積當臍有動氣腹  
中鳴下氣大便難虛證極多不能盡錄擬先治其  
本餘證可以皆去安心定志鎮墜其經調和脾胃  
大益元氣補其血脉令養其神以大熱之劑去其  
冬寒凝在皮膚內少加生地黃去命門相火不令

四肢痿弱

黃連 壹分

生地黃 叁分

炒神翅

橘皮

桂枝 已上各伍分

草豆蔻仁 陸分

黃芪

人參

麻黃 不去節已上各壹錢

當歸身 壹錢伍分

杏仁 伍箇另研如泥

右吹咀作二服水二大盞半煎麻黃令沸去沫煎  
至二盞入諸藥同煎至一大盞於巳午之間食消  
盡服之一服立止其胃皖痛乃胃上有客寒與大  
熱藥草豆蔻丸一十五丸白湯送下其痛立止再  
與肝之積藥除其積之根源而愈



當歸芍藥湯

治婦人經脉漏下不止其色鮮紅時值七月處暑之間先因勞役脾胃虛弱氣短氣逆自汗不止身熱悶亂惡見飲食非惟不入亦不思食沉懶困倦四肢無力大便時泄後再因心氣不足經脉再下不止惟覺氣下脫其元氣逆上全無惟覺心腹中氣下行氣短少不能言是無力以言非懶語也此藥主之

柴胡 貳分

炙甘草

生地黄 已上各參分

橘皮 白不去

熟地黄 已上各伍分

黃芪 壹錢伍分

蒼朮 去皮

當歸身

白芍藥

白朮 已上各貳錢

右十味咬咀如麻豆大分作二服水二盞半煎至一盞去粗稍熟空心服之

柴胡調經湯

治經水不止鮮紅項筋急腦痛脊骨強痛

炙甘草

當歸身

葛根 已上各參分

獨活

藁本

升麻 已上各伍分

柴胡 柒分

羌活

蒼朮 已上各壹錢

紅花 少許



右劉如麻豆大都作一服水四大盞煎至一盞去  
相空心稍熱服取微汗立止

一婦人經候凝結黑血成塊左膈有血瘕水泄不止  
穀有時不化後血塊暴下并水俱作是前後二陰有  
形血脫竭於下既久經候猶不調水泄日見三兩行  
食罷煩心飲食減少甚至瘦弱東垣老人曰夫聖人  
治病必本四時升降浮沉之理權變之宜必先歲氣  
無伐天和無勝無虛遺人天殃無致邪無失正絕人  
長命故仲景云陽盛陰虛下之則愈汗之則死陰盛  
陽虛汗之即愈下之即死大抵聖人立法且如升陽

或發散之劑是助春夏之陽氣令其上升乃瀉秋冬  
收藏殞殺寒涼之氣此病是也當用此法治之升降  
浮沉之至理也天地之氣以升降浮沉乃從四時如  
治病不可逆之故經云順天則昌逆天則亡可不畏  
哉夫人之身亦有四時天地之氣不可止認在外人  
亦體同天地也今經漏不止是前陰之氣血已脫下  
矣水泄又數年是後陰之氣血下陷以脫矣後陰者  
主有形之物也前陰者精氣之戶下竭是病人周身  
之血氣常行秋冬之令陰主殺此等收藏之病是也  
陽生陰長春夏是也在人之身令氣升浮者穀氣上



行是也既病人周身血氣皆不生長穀氣又不勝其  
肌肉消少是兩儀之氣俱將絕矣既下元二陰俱脫  
血氣將竭假令當是熱證今下焦久脫化為寒矣此  
病久沉久降寒濕大勝當急救之瀉寒以熱除濕以  
燥大升大舉以助生長補養氣血不致偏竭聖人立  
治之法既濕氣大勝以所勝治之助甲風木上升是  
也故經云風勝濕是以所勝平之也當先調和胃氣  
次用白朮之類以燥其濕而滋元氣如其不止後用  
風藥以勝濕此便是大舉大升以助春夏二濕之久  
陷下之至治也

### 益胃升陽湯

血脫益氣古聖人之法也元補胃氣以助生發之  
氣故曰陽生陰長諸甘藥為之先務舉世皆以為  
補殊不知甘能生血此陽生陰長之理也故先理  
胃氣人之身內胃氣為寶

柴胡

升麻已上各五分

炙甘草

當歸身酒洗

陳皮已上各壹錢

人參去芦有嗽去之

炒神麴已上各錢伍分

黃芪貳錢

白朮叁錢

生黃芩少許

右咬咀每服二錢水二大盞煎至一盞去粗稍熱



服

如腹中痛每服加白芍藥參分中桂少許

如渴或口乾加葛根貳分不拘時候

升陽舉經湯

治經水不止如右尺脉按之空虛是氣血俱脫大寒之證輕手其脉數疾舉指弦緊或澀皆陽脫之證陰火亦亡見熱證於口鼻眼或渴此皆陰躁陽欲先去也當溫之舉之升之浮之燥之此法當大升浮血氣切補命門之下脫也

肉桂去皮盛夏勿用秋冬用

白芍藥

紅花已上各伍分

細辛陸分

人參去芦

熟地黄

川芎已上各壹錢

獨活根

黑附子炮製去皮臍

炙甘草已上各錢伍分

羌活

藁本去土

防風已上各貳錢

白朮

當歸

黃芪已上各參錢

柴胡已上各參錢

桃仁拾箇湯浸去皮尖細研

右咬咀每服三錢若病勢順當漸加至五錢每服

水三盞煎至一盞空心熱服

半產誤用寒涼之藥論

婦人分免及半產漏下昏冒不省瞋目無所知覺蓋因血暴亡有形血去則心神無所養心與包絡者君



火相火也得血則安亡血則危火上熾故令人昏冒  
火勝其肺瞑目不省人事是陰血暴去不能鎮撫也  
血已虧損往往用滑石甘草石膏之類乃辛甘大寒  
之藥能瀉氣中之熱是血虧瀉氣乃陰虧瀉陽使二  
者俱傷反為不足虛勞之病昏迷不省者上焦心肺  
之熱也此無形之熱用寒涼之藥驅令下行豈不知  
上焦之病悉屬於表乃陰證也汗之則愈今反下之  
幸而不死暴虧氣血生命豈能久活又不知內經有  
說病氣不足宜補不宜瀉但瞑目之病悉屬於陰宜  
汗不宜下又不知傷寒鬱冒得汗則愈是禁用寒涼

藥也分免半產本氣不病是暴去其血亡血補血又  
何疑焉補其血則神昌常時血下降亡今當補而升  
舉之心得血而養神不昏矣血若暴下是秋冬之令  
大旺今舉而升之以助其陽則目張神不昏迷矣今  
立一方補血養血生血益陽以補手足厥陰之不足  
也

全生活血湯

紅花 叁分

蔓荊子

細辛 已上各伍分

生地黄 夏月多加之

熟地黄 已上各壹錢

藁本

川芎

已上各壹錢伍分

防風

諸陽既陷何以知之血下厥故也



羌活

獨活

炙甘草

柴胡

去苗

當歸身

酒洗

葛根

已上各

白芍藥

升麻

已上各

右艾咀每服五錢水二盞煎至一盞去粗食前稍

熱服

當歸附子湯

治臍下冷痛赤白帶下

當歸

貳分

炒鹽

叁分

蠟梢

升麻

已上各

甘草

陸分

柴胡

柒分

黃藥

少許為引用

附子

壹錢

乾薑良薑

各一錢

右為麤末每服五錢水五盞煎至一盞去粗稍熱服或為細末酒麵糊為丸亦可

調經補真湯

冬後一月微有地泥水泮其白帶再來陰戶中寒

一服立止

獨活

乾薑

炮

藁本

防風

蒼朮

已上各

麻黃

不去

炙甘草

人參

去芦

當歸身

白朮

生黃芩

升麻

已上各

黃芪

柒分

良薑

澤瀉



羌活

已上各壹錢

柴胡

肆錢

杏仁

貳箇

桂枝

少許

白葵花

柒朶去萼

右咬咀除黃芩麻黃各另都作一服先以水三大盞半煎麻黃一味令沸掠去沫入餘藥同煎至一盞零柒分再入生黃芩煎至一盞空心服之候一時許可食早飯

坐藥龍鹽膏

茴香

叁分

桔礬

伍分

良薑

當歸梢

酒防已

木通

已上各壹錢

丁香

木香

川烏

炮已上各壹錢伍分

龍骨

炒鹽

紅豆

肉桂

已上各貳錢

厚朴

叁錢

延胡索

伍錢

全蠍

伍箇

右為細末煉蜜為丸如彈子大綿裹留系在外內丸藥陰戶內日易之

勝陰丹

為水藥力小再取三錢內加行性熱藥項下

柴胡

羌活

桔白礬

甘松

升麻

川烏頭

大椒

三柰子

蒜



破故紙

搗分與蒜同  
煑焙乾秤

全蠍

叁箇

麝香

少許

右為細末依前法用

迴陽丹

羌活

全蠍

升麻根

甘松

已上各  
貳分

草烏頭

水蛭

已上  
各叁分

大椒

三柰子

蓴撥

桔礬

已上各  
伍分

柴胡

川烏

已上各  
柒分

炒黃鹽

為必用之藥  
去之則不効

破故紙

蒜

已上各  
壹錢

蝨蟲

二箇去  
翅足炒

右為極細末依前製用臍下覺暖為効

柴胡丁香湯

治婦人年三十歲臨經先腰臍痛甚則腹中亦痛

經縮三兩日

生地黃

貳分

丁香

肆分

當歸身

防風

羌活

已上各  
壹錢

柴胡

壹錢  
伍分

全蠍

壹箇

右件都作一服水二盞煎至一盞去粗食前稍熱

一服

延胡苦煉湯



治臍下冷撮痛陰冷大寒白帶下

黃蘗壹分爲引用 延胡索 苦練子已上各貳分

附子炮 肉桂已上各叁分 炙甘草伍分

熟地黃壹錢

右都作一服水二大盞煎至一盞食前服

桂附湯

治白帶腥臭多悲不樂大寒

黃蘗爲引用 知母已上各伍分 肉桂壹錢

附子叁錢

右咬咀都作一服水二盞煎至一盞去粗食遠熱

服

如少食常飽有時似腹脹夯悶加白芍藥伍分

如不思飲食加五味子貳拾箇

如煩惱面上如蟲行乃胃中元氣極虛加黃芪壹錢伍分

人參法分 炙甘草升麻已上各伍分

人參補氣湯

治四肢懶倦自汗無力

丁香末貳分 生甘草稍 炙甘草已上各叁分

生地黃 白芍藥已上各伍分 熟地黃陸分

人參 防風 羌活



黃蘗

知母

當歸身

升麻

柴胡

黃芪

全蠍

五味子

右判如麻豆大都作一服水二盞煎至一盞去粗空心稍熱服

黃芪白木湯

治婦人四肢沉重自汗上至頭際頸而還惡風頭痛躁熱

細辛

吳茱萸

川芎

柴胡

升麻

當歸身

黃蘗

炙甘草

羌活

五味子

白木

人參

黃芪

右咬咀每服五錢水二大盞生薑五片煎至一盞去粗食前熱服

如腹中痛不決加炙甘草壹錢汗出不止加黃蘗壹錢

白木茯苓湯

治胃氣弱身重有痰惡心欲吐是風邪羈絆於脾胃之間當先實其脾胃

白木

白茯苓

半夏



炒麴 貳錢

麥蘖麴 伍分

右吹咀每服五錢水二大盞入生薑五片煎至一盞去粗不拘時服

增味四物湯

治婦人血積

當歸

川芎

芍藥

熟地黄

京三稜

乾漆

炒燥

肉桂 去皮

廣茂 已上各等分

右為麤末每服五錢水二大盞煎至一盞去粗食前稍熱服

補經固真湯

白文舉正室白帶常漏久矣諸藥不効診得心包尺脉微其白帶下流不止叔和云崩中日久為白帶漏下時多白滑血枯崩中者始病血崩久則血少復亡其陽故白滑之物下流不止是本經血海將枯津液復亡枯乾不能滋養筋骨以本部行經藥為引用為使以大辛甘油膩之藥潤其枯燥而滋益津液以大辛熱之氣味藥補其陽道生其血脉以苦寒之藥泄其肺而救上熱傷氣以人參補之以微苦溫之藥為佐而益元氣



白葵花

去萼研爛肆分

甘草

炙郁以仁研泥

柴胡

已上各壹錢

乾薑

細末

人參

已上各貳錢

生薑

細研壹錢陳皮五分

右件除黃芩外以水三盞煎至一盞七分再入黃

芩同煎至一盞去粗空心熱服少時以早飯壓之

溫衛補血湯

治耳鳴鼻不聞香臭口不知穀味氣不快四肢困

倦行步欹側髮脫落食不下膝冷陰汗帶下喉中

哢哢不得卧口舌益乾大息頭不可以回顧項筋

緊脊強痛頭旋眼黑頭痛欠嚏

生地黃

白朮

藿香

黃蘗

已上各壹分

牡丹皮

蒼朮

王瓜根

橘皮

吳茱萸

當歸身

貳分半

柴胡

人參

熟甘草

地骨皮

已上各叁分

升麻

肆分

生甘草

伍分

黃芪

壹錢貳分

丁香

壹箇

桃仁

叁箇

葵花

柒朵

右咬咀作一服用水二大盞煎至一盞去粗食前

熱服

立効散

治婦人血崩不止



當歸

蓮花心

白綿子

紅花

茅花已上各壹兩

右剉如豆大白紙裹定泥固炭火燒灰存性為細末

如乾血氣研血竭為引好溫酒調服加輕粉壹錢  
如血崩不止加麝香為引好溫酒調服

四聖散

治婦人赤白帶下

川烏

炮製

生白礬

已上各壹錢

紅娘子

叁箇

斑貓

拾箇

煉蜜為丸如皂子大綿裹坐之

溫經除濕湯

十月霜冷後四肢無力乃痿厥濕熱在下焦也醋心者是濁氣不下降欲為滿也合眼麻木作者陽道不行也惡風寒者上焦之分皮膚中氣不行也開目不麻者目開助陽道故陰寒之氣少退也頭眩暈者風氣下陷於血分不得伸越而作也近火則有之

黃連

壹分

柴胡

草豆蔻

神麴

炒

木香

已上各貳分

麻黃

不去節



獨活

當歸身

黃蘗

已上各壹分

升麻

伍分

羌活

柒分

炙甘草

人參

白朮

猪苓

澤瀉

已上各壹錢

黃芪

橘皮

蒼朮

已上各貳錢

白芍藥

叁錢

右剉如麻豆大分作二服水二盞煎至一盞食遠服治支節沉重疼痛無力之勝藥也

補氣升陽和中湯

李正臣夫人病診得六脉俱中得弦洪緩相合按之無力弦在上是風熱下陷入陰中陽道不行其

證閉目則渾身麻木晝減而夜甚覺而開目則麻木漸退久則絕止常開其目此證不作懼其麻木不敢合眼致不得眠身體皆重時有痰嗽覺胸中常似有痰而不利時煩躁氣短促而喘肌膚充盛飲食不減大小便如常惟畏其麻木不敢合眼為最苦觀其色脉形病相應而不逆內經曰陽盛瞑目而動輕陰病閉目而靜重又云諸脉皆屬於目靈樞經云開目則陽道行陽氣遍布週身閉目則陽道閉而不行如晝夜之分知其陽衰而陰旺也且麻木為風三尺之童皆以為然細校之則有區



別耳又坐而起亦有麻木為如繩縛之久釋之覺  
麻作而不敢動良久則自己以此驗之非有風邪  
乃氣不行主治之當補其肺中之氣則麻木自去  
矣如經脈中陰火乘其陽分火動於中為麻木也  
當兼去其陰火則愈矣時痰嗽者秋涼在外在上  
而作也當以溫劑實其皮毛身重脈緩者濕氣伏  
匿而作也時見躁作當升陽助氣益血微瀉陰火  
與濕通行經脈調其陰陽則已矣非五臟六腑之  
本有邪也此藥主之

生甘草

去腎熱

酒黃蘗

瀉火除濕

白茯苓

除濕導火

澤瀉

除濕導火

升麻

行陽經

柴胡

已上各壹錢

蒼朮

除濕補中

草豆蔻仁

益陽退外寒已上各壹錢五分

橘皮

當歸身

白朮

已上各貳錢

白芍藥

人參

已上各叁錢

佛耳草

炙甘草

已上各肆錢

黃芪

伍錢

右咬咀每服五錢水二盞煎至一盞去粗食遠服之

麻黃桂枝升麻湯

治婦人先患渾身麻木睡覺則少減開目則已而全愈又證已痊又因心中煩惱遍身骨節疼身體



沉重飲食減少腹中氣不運轉

木香

生薑

已上各壹分

桂枝

半夏

陳皮

草豆蔻仁

厚朴

黑附子

黃蘗已上各貳分

炙甘草

升麻

白朮

茯苓

澤瀉

黃芪

麻黃

人參

已上各伍分

右都作一服水二盞煎至一盞去粗食遠服之

蘭室秘藏卷中



